

陳商郎中。酒戶消滴。裴治使君。年九十餘。

須記奇章置一筵。

與君同病最相憐。

月終齋滿誰開素。

早春憶遊思黯南莊因寄長句

南莊勝處心常憶。

借問軒車早晚遊。

美景難忘竹廊下。

冰消見水多於地。

雪霽看山盡入樓。

好風爭奈柳橋頭。

酬皇甫十早春對雪見贈

漠漠復雰雰。東風散玉塵。

明催竹窗曉。寒退柳園春。

忍心三兩日。莫作破齋人。

綠醞香堪憶。

紅爐煖可親。

奉和思黯自題南莊見示兼呈夢得

謝家別墅最新奇。

山展屏風花夾籬。

晨光初照屋梁時。

臺頭有酒鶯呼客。

水面無塵風洗池。

此中情狀更誰知。

送斬春李十九使君赴郡

可憐官職好文詞。

五十專城未是遲。

曉日鏡前無白髮。

郡中何處堪攜酒。

席上誰人解和詩。

唯共交親開口笑。

春風門外有紅旗。

自題酒庫

野鶴一辭籠。虛舟長任風。送愁還鬧處。移老入閒中。身更求何事。天將富此翁。

此翁何處富。酒庫不曾空。劉仁軌詩云。天將富此翁。以一醉為富也。

寒食日寄楊東川

不知楊六逢寒食。作底歡娛過此辰。兜率寺高宜望月。嘉陵江近好遊春。

蠻旗似火行隨馬。蜀妓如花坐遶身。不使黔婁夫婦看。誇張富貴向何人。

醉後聽唱桂花曲
詩云。遙知天上桂花孤。試問嫦娥更有無。月宮幸有閒田地。何不中央種兩株。此曲詞意切。聽感。人。故云爾。

桂華詞意苦丁寧。唱到嫦娥醉便醒。此是人閒腸斷曲。莫教不得意人聽。

酬夢得以子五月長齋延僧徒絕賓友見戲十韻

賓客懶逢迎。偷然池館清。簷閒空燕語。林靜未蟬鳴。葷血還休食。杯觴亦罷傾。

三春多放逸。五月暫修行。香印朝煙細。紗燈夕焰明。交游諸長老。師事古先生。

難將戲論爭。虛空若有佛。靈運恐先成。
先生也。
禪後心彌寂。齋來體更輕。不唯忘肉味。兼擬滅風情。蒙以聲聞待。

又和令公新開龍泉香水二池

舊有潢汚泊。今為白水塘。詩云。方塘含白水。笙歌開四面。樓閣在中央。春變煙波色。

晴添樹木光。龍泉信為美。莫忘午橋莊。

早夏曉興贈夢得

窗明簾薄透朝光。臥整巾管起下牀。背壁燈殘經宿焰。開箱衣帶隔年香。無情亦任他春去。不醉爭銷得晝長。一部清商一壺酒。與君明日煖新堂。

春日題乾元寺上方最高峰亭

危亭絕頂四無鄰。見盡三千世界春。但覺虛空無障礙。不知高下幾由旬。迴看官路三條線。卻望都城一片塵。賓客暫遊無半日。王侯不到便終身。始知天造空閒境。不為忙人富貴人。

奉和思黯相公以李蘇州所寄太湖石奇狀絕倫因題二十韻見示兼呈夢得

錯落復崔嵬。蒼然玉一堆。峰駢仙掌出。罅坼劒門開。峭頂高危矣。盤根下壯哉。精神欺竹樹。氣色壓亭臺。隱起磷磷狀。凝成瑟瑟胚。廉稜露鋒刃。清越扣瓊瑰。發業形將動。巍峩勢欲摧。奇應潛鬼怪。靈合著雲雷。黛潤霏新雨。斑明點古苔。未曾棲鳥雀。不肯染塵埃。尖削琅玕笋。窪剜瑪瑙罍。海神移碣石。畫障簇天台。在世為尤物。如人負逸才。渡江一葦載。入洛五丁推。出處雖無意。升沈亦有媒。蘇州一蘇州。不學玉山頽。疏傳心偏愛。園公眼屢迴。共嗟無此分。虛管太湖來。居易與夢得俱與姑蘇而不獲此石。

奉和思黯相公雨後林園四韻見示

新晴夏景好。復此池邊地。煙樹綠含滋。水風清有味。便成林下隱。都忘門前事。騎吏引歸軒。始知身富貴。

晚夏閒居絕無賓客欲尋夢得先寄此詩

魚笋朝餐飽。蕉紗暑服輕。欲為窗下寢。先傍水邊行。晴引鶴雙舞。秋生蟬一聲。無人解相訪。有酒共誰傾。老更諳時事。閒多見物情。只應劉與白。二叟自相迎。

寄李蘄州

下車書奏襲黃綬。動筆詩傳鮑謝風。江郡謳謠誇杜母。洛城歡會憶車公。笛愁春盡梅花裏。簾冷秋生薤葉中。不道蘄州歌酒少。使君難稱與誰同。

蘄州出好笛并薤葉中。

酬思黯公晚夏雨後感秋見示

暮去朝來無歇期。炎涼暗向雨中移。夜長祇合愁人覺。秋冷先應瘦客知。兩幅彩箋揮逸翰。一聲寒玉振清辭。何故沈吟亦感時。

久雨閒悶對酒偶吟

淒淒苦雨鬧銅駝。嫋嫋涼風起漕河。自夏及秋晴日少。從朝至暮悶時多。

鸞臨池立窮魚筍

隼榜林飛拂雀羅

賴有杯中神聖物

百憂無奈十分何

雨後秋涼

夜來秋雨後，秋氣颯然新。團扇先辭手，

生衣不著身。

更添砧引思，難與簾相親。

此境誰偏覺，貧閒老瘦人。

酬夢得早秋夜對月見寄

吾衰寡情趣，君病懶經過。其奈西樓上，

新秋明月何。

庭蕪淒白露，池色澹金波。

況是初長夜，東城砧杵多。

題謝公東山障子

賢愚共在浮生內

貴賤同趨羣動閒

多見忙時已衰病

少聞健日肯休閒

鷹饑受糲從難退

鶴老乘軒亦不還

唯有風流謝安石

拂衣攜妓入東山

謝楊東川寄衣服

年年衰老交遊少

處處蕭條書信稀

唯有巢兄不相忘

春茶未斷寄秋衣

詠懷寄皇甫朗之

老大多情足往還

招僧待客夜開關

學調氣後衰中健

不用心來鬧處閒

養病未能辭薄俸

忘名何必入深山

與君別有相知分

同置身於木雁閒

東城晚歸

一條筇杖懸龜棹

雙角吳童控馬銜

晚入東城誰識我

短靴低帽白蕉衫

與夢得沽酒閒飲且約後期

少時猶不憂生計

老後誰能惜酒錢

共把十千沽一斗

相看七十欠三年

閒徵雅令窮經史

醉聽清吟勝管絃

更待菊黃家醞熟

共君一醉一陶然

與牛家妓樂兩夜合宴

玉管清絃聲旖旎

翠釵紅袖坐參差

兩家合奏洞房夜

八月連陰秋雨時

歌臉有情凝睇久

舞腰無力轉裙遲

人閒歡樂無過此

上界西方即不知

和楊六尚書喜兩弟漢公轉吳興魯士賜章服命賓開宴用慶恩榮賦長句見示

華筵賀客日紛紛

劍外歡娛洛下閒

朱紱龍光新照地

彫轡喜氣遠凌雲

榮聯花夢詩難和

樂助埴簾酒易醺

感羨料應知我意

今生此事不如君

自詠

鬚白面微紅，醺醺半醉中。百年隨手過，萬事轉頭空。臥疾瘦居士，行歌狂老翁。

仍聞好事者，將我畫屏風。

夢得相過援琴命酒因彈秋思偶詠所懷兼寄繼之待價二相府

閉居靜侶偶相招。小飲初酣琴欲調。我正風前弄秋思。君應天上聽雲韶。
雲韶雅曲。上多與宰相同聽之。
時和始見陶鈞力。物遂方知盛聖朝。雙鳳棲梧魚在藻。

九月八日酬皇甫十見贈

君方對酒綴詩章。我正持齋坐道場。處處追遊雖不去。時時吟詠亦無妨。
霜蓬舊鬢三分白。露菊新花一半黃。惆悵東籬不同醉。陶家明日是重陽。
慕巢尚書書云。室人欲爲置一歌者。非所安也。以詩相報。因而和之。
東川已過二三春。南國須求一兩人。富貴大都多老大。歡娛大半爲親賓。
如愁翠黛應堪重。買笑龍金莫訴貧。他日相逢一杯酒。樽前還要落梁塵。

杪秋獨夜

無限少年非我伴。可憐清夜與誰同。歡娛牢落中心少。親故凋零四面空。
紅葉樹飄風起後。白鬚人立月明中。前頭更有蕭條物。老菊衰蘭三兩叢。

憑李陸州訪徐凝山人

凝即陸州之民也。

郡守輕詩客。鄉人薄釣翁。解憐徐處士。唯有李郎中。

蘇州故吏

江南故吏別來久。

今日池邊識我無。

不獨使君頭似雪。

華亭鶴死白蓮枯。

運鶴皆蘇州同來。

得楊湖州書。頗誇撫民接賓縱酒題詩。因以絕句戲之。

豈獨愛民兼愛客。

不唯能飲又能文。

白蘋洲上春傳語。

柳使君輪楊使君。

天宮閣秋晴晚望

洛城秋霽後。梵閣暮登時。此日風煙好。今秋節候遲。霞光紅泛鬢。樹影碧參差。
莫慮言歸晚。牛家有宿期。

酬夢得暮秋晴夜對月相憶

霽月光如練。盈庭復滿池。秋深無熱後。夜淺未寒時。露葉團荒菊。風枝落病梨。
相思懶相訪。應是各年衰。

同夢得和思黯見贈。來詩中先敘三人同讌之歡。次有歎鬢髮漸衰。嫌孫

子催老之意。因酬妍唱。兼吟鄙懷。

醉伴騰騰白與劉。

何朝何夕不同遊。

留連燈下明猶飲。

斷送樽前倒即休。

催老莫嫌孫稚長。

加年須喜鬢毛秋。

教他伯道爭存活。

無子無孫亦白頭。

聽歌

管妙絃清歌入雲

老人合眼醉醺醺

誠知不及當年聽

猶覺聞時勝不聞

三年冬隨事鋪設小堂寢處稍以穩煖因念衰病偶吟所懷

小宅非全陋

中堂不甚卑

聊堪會親族

足以貯妻兒

裘新青兔褐

褥軟白猿皮

似鹿眠深草

如雞宿穩枝

病致衰殘早

貧營活計遲

由來蠶老後

方是繭成時

初冬即事呈夢得

青氈帳煖喜微雪

紅地爐深宜早寒

走筆小詩能和否

潑醅新酒試嘗看

僧來乞食因留宿

客到開樽便共歡

臨老交親零落盡

希君恕我取人寬

自罷河南已換七尹每一入府悵然舊遊因宿內廳偶題西壁兼呈韋尹常侍

每日河南府

依然似到家

杯嘗七尹酒

樹看十年花

即府中新果園

且健須歡喜

雖衰莫歎嗟

迎門無故吏

侍坐有新娃

煖閣謀宵宴

寒庭放晚衙

主人留宿定

一任夕陽斜

天寒晚起引酌詠懷寄許州王尚書汝州李常侍

葉覆冰池雪滿山

日高慵起未開關

寒來更亦無過醉

老後何由可得閒

四海故交唯許汝

十年貧健是樊巒

相思莫忘櫻桃會

一放狂歌一破顏

櫻桃花時。數與許汝二君歡會甚樂。

四年春

柳梢黃嫩草芽新

又入開成第四春

近日放慵多不出

少年嫌老可相親

分司吉傅頻過舍

致仕崔卿擬卜鄰

時輩推遷年事到

往還多是白頭人

白髮

白髮生來三十年

而今鬢髮盡幡然

歌吟終日如狂叟

衰疾多時似瘦仙

八戒夜持香火印

三元朝念藥珠篇

其餘便被春收拾

不作閒遊即醉眠

追歡偶作

追歡逐樂少閒時

補貼平生得事遲

何處花開曾後看

誰家酒熟不先知

石樓月下吹蘆管

金谷風前舞柳枝

十聽春啼變鶯舌

三嫌老醜換蛾眉

樂天一過難知分

猶自咨嗟兩鬢絲

蘆管柳枝已下。皆十年來洛中之事。

公垂尚書以白馬見寄光潔穩善以詩謝之

翩翩白馬稱金羈

領綴銀花尾曳絲

毛色鮮明人盡愛

性靈馴善主偏知

免將妾換慙來處

試使奴牽欲上時

不蹶不驚行步穩

最宜山簡醉中騎

西樓獨立

身著白衣頭似雪。

時時醉立小樓中。

路人迴顧應相怪。

十一年來見此翁。

書事詠懷

官俸將生計。雖貪豈敢嫌。

金多輸陸賈。酒足勝陶潛。

陶潛詩云。常苦酒不足。 牀煖僧敷坐。

樓晴妓卷簾。日遭齋破用。

每月常持十齋。 春賴閏加添。

是年閏正月也。 老向歡彌切。

狂於飲不廉。十年閒未足。

亦恐涉無厭。

酬夢得比萱草見贈。來篇云。唯君比萱草。相見可忘憂。

杜康能散悶。萱草解忘憂。

借問萱逢杜。何如白見劉。

借問同年內。何人得白頭。

問皇甫十

苦樂心由我。窮通命任他。

坐傾張翰酒。行唱接輿歌。

知君能斷事。勝負兩如何。

榮盛傍看好。優閒自適多。

早春獨登天宮閣

天宮日煖閣門開。獨上迎春飲一杯。

無限遊人遙怪我。緣何最老最先來。

送蘇州李使君赴郡二絕句

憶拋印綬辭吳郡。衰病當時已有餘。

今日賀君兼自喜。八迴看換舊銅魚。

予自罷蘇州。及茲換八刺吏矣。

【二】

館娃宮深春日長。館娃宮。今靈巖寺也。

烏鵲橋高秋夜涼。烏鵲橋。在蘇州南門。

風月不知人世變。奉君直似

奉吳王。

長洲曲新詞

茂苑綺羅佳麗地。

女湖桃李豔陽時。

心奴已死胡容老。

後輩風流是阿誰。

白樂天詩後集卷十六

律詩

凡一百首

病中詩并序

開成己未歲。余蒲柳之年六十有八。冬十月甲寅旦。始得風痺之疾。體履目眩。左足不支。蓋老病相乘時而至耳。余早棲心釋梵。浪跡老莊。因疾觀身。果有所得。何則。外形骸而內忘憂患。先禪觀而後順醫治。旬月以還。厥疾少閒。杜門高枕。澹然安閒。吟諷興來。亦不能遏。因成十五首。題為病中詩。且貽所知。兼用自廣。昔劉公幹病漳浦。謝康樂臥臨川。咸有

篇章抒詠其志。今引而序之者。慮不知我者加誚焉。

初病風

六十八衰翁。乘衰百疾攻。朽株難免蠹。空穴易來風。肘痺宜生柳。頭旋劇轉蓬。恬然不動處。虛白在胸中。

枕上作

風疾侵凌臨老頭。血凝筋滯不調柔。甘從此後支離臥。賴是從前爛熯遊。迴思往事紛如夢。轉覺餘生杳若浮。浩氣自能充靜室。驚飈何必蕩虛舟。腹空先進松花酒。膝冷重裝桂布裘。若問樂天憂病否。樂天知命了無憂。

答開上人來問因何風疾

一牀方丈向陽開。勞動文殊問疾來。欲界凡夫何足道。四禪天始免風災。色界四天。初禪具三災。二禪無火災。三禪無水災。四禪無風災也。

病中五絕句

世閒生老病相隨。此事心中久自知。今日行年將七十。猶須慙愧病來遲。
方寸成灰鬢作絲。假如強健亦何爲。家無憂累身無事。正是安閒好病時。

李君墓上松應拱。元相池頭竹盡枯。多幸樂天今始病。不知合要苦治無。
李元皆子執友也。約直少。子八歲。即世。已九年。徵之少。子七年。葬已八年矣。今子始病。得非幸乎。

【四】

目昏思寢即安眠。足軟妨行便坐禪。身作醫王心是藥。不勞和扁到門前。
交親不要苦相憂。亦擬時時強出遊。但有心情何用脚。陸乘肩輿水乘舟。

【五】

送嵩客
登山臨水分無期。泉石煙霞今屬誰。君到嵩陽吟此句。與教三十六峰知。
罷灸
病身佛說將何喻。變滅須臾豈不聞。莫遣淨名知我笑。休將火艾灸浮雲。
維摩經云。是身如浮雲。須臾變滅也。

賣駱馬

五年花下醉騎行。臨賣迴頭嘶一聲。項籍顧雕猶解款。樂天別駱豈無情。

別柳枝

兩枝楊柳小樓中。嫋娜多年伴醉翁。明日放歸歸去後。世閒應不要春風。

就暖偶酌戲諸詩酒舊侶

白樂天詩後集卷十六

低屏軟褥臥藤牀。鼻向前軒就日陽。一足任他爲外物。三杯自要沃中腸。

頭風若見詩應愈。齒折仍誇笑不妨。細酌徐吟猶得在。舊遊未必便相忘。

歲暮呈思黯相公。皇甫明之及夢得尚書。莫嫌身病人扶侍。猶勝無身可遣扶。

自解

房傳往世爲禪客。世傳房太尉前生爲禪僧。與妻師德友善。墓其爲人。故今生有妻之遺風也。王道前生應畫師。王右丞詩云。宿世是詞客。前生應畫師。

我亦定中觀宿命。多生債負是歌詩。不然何故狂吟詠。病後多於未病時。

已上病中十五首。

歲暮病懷贈夢得。時與夢得同患足疾。

十年四海故交親。零落唯殘兩病身。共遣數奇從是命。同教步蹇有何因。

眼隨老減嫌長夜。體待陽舒望早春。新樂堂前舊池上。相過亦不要他人。

雪後過集賢裴令公舊宅有感

梁王捐館後。枚叟過門時。有淚人還泣。無情雪不知。臺亭畱盡在。賓客散何之。

唯有蕭條鴈。時來下故池。

酬夢得貧居詠懷見贈

歲陰生計兩蹉跎。相顧悠悠醉且歌。厨冷難畱鳥止屋。詩云。瞻鳥安止。于誰之屋。言鳥多止富家之屋也。日望揮金賀新命。

門閉可與雀張羅。病添莊舄吟聲苦。貧欠韓康藥債多。

來篇云。若有金揮勝二疏。俸錢依舊又如何。時夢得罷賓客。除監祿俸略同。故云。

酬夢得見喜疾瘳

暖臥摩綿褥。晨傾藥酒螺。昏昏布裘底。病醉睡相和。末疾徒云爾。傳云。風濕末疾。末謂四肢。

餘年有幾何。須知差與否。相去校無多。

夜聞箏中彈瀟湘神曲感舊

縹緲巫山女。歸來七八年。殷勤湘水曲。畱在十三絃。苦調吟還出。深情咽不傳。

萬重雲水思。今夜月明前。

感蘇州舊勛

畫梁朽折紅窗破。獨立池邊盡日看。守得蘇州船舫爛。此身爭合不衰殘。

感舊石上字

閒撥船行尋舊池。幽情往事復誰知。太湖石上鐫三字。十五年前陳結之。

見敘中初到邠寧秋日登城樓詩。詩中頗多鄉思。因以寄和。從敘中侍御史。出邠寧。

想爾到邊頭。蕭條正值秋。二年貧御史。八月古邠州。絲管聞雖樂。風沙見亦愁。

望鄉心若苦，不用數登樓。

齋戒

每日齋戒斷葷腥，酒魔降伏終須盡。

漸覺塵勞染愛輕，詩債填還亦欲平。

六賊定知無氣色，從此始堪爲弟子。

三尸應恨少恩情，竺乾師是古先生。

戲禮經老僧

香火一爐燈一盞，

白頭夜禮佛名經。

何年飲著聲聞酒，

直到如今醉未醒。

近見慕巢尚書詩，中屢有歎老思退之意，又於洛下新置郊居，然寵寄方深，歸心大速，因以長句戲而諭之。

近見詩中歎白髮，

遙知關外憶東都。

煙霞偷眼窺來久，

富貴粘身擺得無。

新置林園猶濩落，

未終婚嫁且踟躕。

應須待到懸車歲，

然後東歸伴老夫。

對鏡偶吟贈張道士抱元

閉來對鏡自思量，

年貌衰殘分所當。

白髮萬莖何所怪，

丹砂一粒不曾嘗。

眼昏久被書料理，

肺渴多因酒損傷。

今日逢師雖已晚，

枕中治老有何方。

病入新正

枕上驚新歲，花前念舊歡。

是身老所逼，

非意病相干。

風月情猶在，

杯觴興漸闌。

便休心未伏，更試一春看。

臥疾來早晚

臥疾來早晚，懸懸將十旬。

婢能尋本草，

犬不吠醫人。

酒甕全生醖，

歌筵半委塵。

風光還欲好，爭向枕前春。

強起迎春戲寄思黯

杖策人扶廢病身，

晴和強起一迎春。

他時蹇跛縱行得，

笑殺平原樓上人。

夢得前所酬篇有鍊盡美少年之句，因思往事兼詠今懷，重以長句答之。

鍊盡少年成白首，

憶初相識到今朝。

昔饒春桂長先折，

今伴寒松取後凋。

若箇如君歷七朝，

生事縱貧猶可過。

風情雖老未全銷，

聲華寵命人皆得。

昔登科第，夢得多居先。今同暮年，洛下爲老伴。

病後寒食

故紗絳帳舊青氈，

藥酒醞醞引醉眠。

抖擻弊袍春晚後，

摩挲病脚日陽前。

行無筋力尋山水，

坐少精神聽管絃。

拋擲風光負寒食，

曾來未省似今年。

老病相仍以詩自解

榮枯憂喜與彭殤，

都似人閒戲一場。

蟲臂鼠肝猶不怪，

雞膚鶴髮復何傷。

昨因風發甘長往。今遇陽和又小康。春暖來風。春稍退也。還似遠行裝束了。遲廻且住亦何妨。

皇甫郎中親家翁赴任絳州宴送出城贈別

慕賢入室交先定。結援通家好復成。新婦不嫌貧活計。嬌孫同慰老心情。

洛橋歌酒今朝散。絳路風煙幾日行。欲識離羣相戀意。爲君扶病出都城。

春 暖

風痺宜和暖。春來脚杖輕。鶯留花下立。鶴引水邊行。髮少嫌巾重。顏衰訝鏡明。

不論親與故。自亦味平生。

殘春晚起伴客笑談

掩戶下簾朝睡足。一聲黃鳥報殘春。披衣岸轎日高起。兩角青衣扶老身。

策杖強行過里巷。引杯閒酌伴親賓。莫言病後妨談笑。猶恐多於不病人。

送唐州崔使君侍親赴任

連持使節歷專城。獨賀崔侯最慶榮。烏府一拋霜簡去。朱輪四從板輿行。

崔郎中從殿中運典。四郡皆侍親赴任。發時止許沙鷗送。到日方乘竹馬迎。唯慮郡齋賓友少。

數杯春酒共誰傾。

春晚詠懷贈皇甫朗之

豔陽時節又蹉跎。遲暮光陰復若何。一歲中分春日少。百年通計老時多。

多中更被愁牽引。少裏兼遭病折磨。賴有銷憂治悶藥。君家醞酎我狂歌。

春盡日宴罷感事獨吟開成五年三月三十日作。

五年三月今朝盡。客散筵空獨掩扉。病共樂天相伴住。春隨樊素一時歸。

閒聽鶯語移時立。思逐楊花觸處飛。金帶纒腰衫委地。年年衰瘦不勝衣。

病中辱崔宣城長句見寄兼有旒綺之贈。因以四韻總而酬之

劉楨病發經春臥。謝朓詩來盡日吟。三道舊誇收片玉。昔子考制策。崔君登科也。科第門生滿霄漢。

一章新喜獲雙金。信題霞綺絨情重。酒試銀觥表分深。

歲寒少得似君心。

前有別柳枝絕句。夢得繼和云。春盡絮飛留不得。隨風好去落誰家。又復

戲答

柳老春深日又斜。任他飛向別人家。誰能更學孤童戲。尋逐春風捉柳花。

池上早夏

水積春塘晚。陰交夏木繁。舟船如野渡。籬落似江村。靜拂藤牀席。香開酒庫門。

慵閒無一事。時弄小嬌孫。

白樂天詩後集卷十六

談氏外孫生三日喜是男偶吟詩篇兼戲呈夢得

玉芽珠顆小男兒。羅薦蘭湯浴罷時。芙蓉春來盈女手。梧桐老去長孫枝。
慶傳媒氏燕先賀。喜報談家烏預知。明日貧翁具雞黍。應須酬賽引鸚鵡詩。

前年談氏外孫女初生。夢得有賀詩云。從此引三鸚鵡。今幸是男。前言似有徵。故云。

開成大行皇帝挽歌詞四首奉敕撰進

御宇恢皇化。傳家叶至公。華夷臣妾內。堯舜弟兄中。制度移民俗。文章變國風。
開成與貞觀。實錄事多同。

【二】

晏駕辭雙闕。靈儀出九衢。上雲歸碧落。下席葬蒼梧。葵晚餘堯曆。龜新啓夏圖。
三朝聯棟夢。從古帝王無。

【三】

嚴恭七月禮。哀慟萬人心。地感勝秋氣。天愁結夕陰。鼎湖龍漸遠。濛汜日初沈。
唯有雲韶樂。長留治世音。

【四】

化成同軌表清平。恩結連枝感聖明。帝與九齡雖吉夢。山呼萬歲是虛聲。

月低儀仗辭蘭路。風引笳簫入柏城。老病龍髯攀不及。東周退傅最傷情。

時熱少見客因詠所懷

冠櫛心多懶。逢迎興漸微。況當時熱甚。幸遇客來稀。濕漉池邊地。涼開竹下扉。
露牀青篾簟。風架白蕉衣。院靜留僧宿。樓空放妓歸。衰殘強歡宴。此事久知非。

宣州崔大夫閣老忽以近詩數十首見示吟諷之下竊有所喜因以長句

寄題郡齋

謝玄暉歿吟聲寢。郡閣寥寥筆硯閒。無復新詩題壁上。虛教遠軸列窗閒。
謝宣城郡內詩云。窗中列遠軸。忽驚歌雪今朝至。必恐文星昨夜還。再喜宣城章句動。

飛鶴遙賀敬亭山。謝又有題敬亭山詩。並見文選。

足疾

足疾無加亦不瘳。綿春歷夏復經秋。開顏且酌樽中酒。代步多乘池上舟。
幸有眼前衣食在。兼無身後子孫憂。應須學取陶彭澤。但委心形任去留。

晚池汎舟遇景成詠贈呂處士

岸淺橋平池面寬。飄然輕棹汎澄澗。風宜扇引開懷入。樹愛舟行仰臥看。
別境客稀知不易。能詩人少詠應難。唯憐呂叟時相伴。同把磻溪舊釣竿。

夢微之

夜來攜手夢同遊。晨起盈巾淚莫收。
君埋泉下泥銷骨。我寄人閒雪滿頭。
漳浦老身三度病。阿衡韓郎相次去。
阿衡。微之小男。韓郎。微之愛婿。
夜臺茫昧得知不。

感秋詠意

炎涼遷次速如飛。又脫生衣著熟衣。
須知流輩年年失。莫歎衰容日日非。
老病幽獨偶吟所懷。
遠壁暗蛩無限思。舊語相傳聊自慰。
戀巢寒燕未能歸。世閒七十老人稀。

和楊尚書罷相後夏日遊永安水亭兼招本曹楊侍郎同行

眼漸昏昏耳漸聾。滿頭霜雪半身風。
猶寄形於逆旅中。觴詠罷來賓閣閉。
別是人閒清淨翁。
已將心出浮雲外。笙歌散後妓房空。
世緣俗念消除盡。
道行無喜退無憂。舒卷如雲得自由。
良治動時爲哲匠。遙愛翩翩雙紫鳳。
巨川濟了作虛舟。入同官署出同遊。

在家出家

衣食支分婚嫁畢。從今家事不相仍。
清唳數聲松下鶴。寒光一點竹間燈。
夜涼
夜眠身是投林鳥。朝飯心同乞食僧。
女喚妻呼都不應。

露白風清庭戶涼

老人先著夾衣裳。舞腰歌袖拋何處。
繼之尙書自余病來寄遺非一。又蒙覽醉吟先生傳題詩以美之。今以此篇用伸酬謝。

衰殘與世日相疎。惠好唯君分有餘。
所寄贈之物皆及時。
交情鄭重金相似。詩韻清鏘玉不如。
醉傳狂言人盡笑。

獨知我者是尙書

五年秋病後獨宿香山寺三絕句
經年不到龍門寺。今夜何人知我情。
還向暢師房裏宿。新秋月色舊灘聲。

【一】

飲徒歌伴今何在。雨散雲飛盡不迴。
從此香山風月夜。祇應長是一身來。

【二】

石盆泉畔石樓頭。十二年來晝夜遊。
更過今年年七十。假如無病亦宜休。

題香山新經堂招僧

煙滿秋堂月滿庭。香花漠漠磬泠泠。

誰能來此尋真諦。

白老新開一藏經。

偶題鄧公。公即給事中珽之子也。飢窮老病。退居此村。

偶因攜酒尋村客。聊復迴車訪辟蘿。

且值雪寒相慰問。

不妨春煖更經過。

翁居山下年空老。我得人間事校多。

一種共翁頭似雪。

翁無衣食又如何。

早入皇城贈王留守僕射。

津橋殘月曉沈沈。風露凄清禁署深。

城柳宮槐謾搖落。

悲愁不到貴人心。

寄題廬山舊草堂兼呈二林寺道侶

三十年前草堂主。而今雖在鬢如絲。

登山尋水應無力。

不似江州司馬時。

漸伏酒魔休放醉。猶殘口業未拋詩。

君行過到鑪峰下。

爲報東林長老知。

此詩惡錢知進侍御。往題草堂中也。

改業

先生老去飲無興。

居士病來閒有餘。

猶覺醉吟多放逸。

不如禪定更清虛。

予先有醉吟先生傳。今故云。

柘枝紫袖教丸藥。

羯鼓蒼頭遣種蔬。

卻被山僧戲相問。

一時改業意何如。

山下留別佛光和尙

勞師送我下山行。此別何人識此情。

我已七旬師九十。

尙知後會在他生。

遊嵩陽。見五物。各有所感。感興不同。隨興而吟。因成五絕。

山中五絕句

嶺上雲

嶺上白雲朝未散。田中青麥早將枯。

自生自滅成何事。

能逐東風作雨無。

石上苔

漠漠斑斑石上苔。幽芳靜綠絕纖埃。

路傍凡草榮遭遇。

曾得七香車輦來。

林下樗

香檀文桂苦雕鐫。生理何曾得自全。

知我無材老樗否。

一枝不損盡天年。

淵中魚

海水桑田欲變時。風濤翻覆沸天池。

鯨吞蚊鬪波成血。

深淵遊魚樂不知。

洞中蝙蝠

千年鼠化白蝙蝠。黑洞深藏避網羅。

遠害全身誠得計。

一生幽闇又如何。

自戲三絕句。開臥獨吟。無人酬和。聊假身心相戲。往復偶成三章。

心問身

白樂天詩後集卷十六

心問身云何泰然，嚴冬暖被日高眠。放君快活知恩否，不早朝來十一年。

身報心 心是身王身是宮。君今居在我宮中。是君家舍君須愛，何事論思自說功。

心重答身 因我疎慵休罷早。遣君安樂歲時多。世閒老苦人何限，不放君閒奈我何。

會昌元年春五絕句 病後喜過劉家 忽憶前年初病後。此身甘分不銜杯。誰能料得今春事，又向劉家飲酒來。

贈舉之僕射 今春與僕射三為寒食之會 雞毬餽粥屢開筵。談笑謳吟閒管絃。一月三回寒食會，春光應不負今年。

盧尹賀夢得會中作 病聞川守賀筵開。起伴尙書飲一杯。任意少年長笑我，老人自覺老人來。

題朗之槐亭 春風可惜無多日。家醞唯殘軟半瓶。猶望君歸同一醉，籃舁早晚入槐亭。

勸夢得酒 勸夢得酒

誰人功畫麒麟閣，何客新投魃魅鄉。兩處榮枯君莫問，殘春更醉兩三場。

過裴令公宅二絕句 裴令公在日。同常聽楊柳枝歌。每遇雪天。無非招宴。三物如故。因成感情。 風吹楊柳出牆枝。憶得同歡共醉時。每到集賢坊北過，不會一度不低眉。

【一】

梁王舊館雪濛濛，愁殺鄒枚二老翁。此句兼屬夢得。 假使明朝深一尺，亦無人到兔園中。

百日假滿少傅官停，自喜言懷 長告今朝滿十旬。從茲蕭灑便終身。老嫌手重拋牙笏，病喜頭輕換角巾。

疏傳不朝懸組綬，向平無累畢婚姻。人言世事何時了，我是人閒事了人。

早 熱 畏景又加旱，火雲殊未收。籬墮饑有雀，池涸渴無鷗。岸幘頭仍痛，褰裳汗亦流。

若爲當此日，遷客向炎州。時楊子二相各貶湖湘。 題崔少尹上林坊新居

坊靜居新深且幽，忽疑縮地到滄洲。宅東籬缺嵩峯出，堂後池開洛水流。

高下三層盤野徑，沿洄十里汎漁舟。若能爲客烹雞黍，願伴田蘇日日遊。

新調亭

煙蘿初合調新開。閉上西亭日幾回。老病歸山應未得。且移泉石就身來。

對酒有懷寄李十九郎中

往年江外拋桃葉。結之也。去歲樓中別柳枝。樊蠻也。寂寞春來一杯酒。

此情唯有李君知。吟君舊句情難忘。風月何時是盡時。李君嘗有悼故妓詩云。直應人世無風月。恰是心中忘却時。今故云。

楊六尚書頻寄新詩。詩中多有思閒相就之志。因書鄙意報而諭之。

君年殊未及懸車。未合將閒逐老夫。身健正宜金印綬。位高方稱白髭鬚。

若論塵事何由了。但問雲心自在無。進退是非俱是夢。丘中闕下亦何殊。

偶吟自慰兼呈夢得。予與夢得甲子同。今俱七十。

且喜同年滿七旬。莫嫌衰病莫嫌貧。已爲海內有名客。又占世閒長命人。

耳裏聲聞新將相。眼前失盡故交親。尊榮富壽難兼得。閒坐思量最要身。

寄潮州楊繼之

相府潮陽俱夢中。夢中何者是窮通。他時事過方應悟。不獨榮空辱亦空。

雪暮偶與夢得同致仕裴賓客王尚書飲

黃昏慘慘雪霏霏。白首相歡醉不歸。四箇老人三百歲。與年九十餘。王八十餘。予與夢得俱七十。合三百餘歲。可謂希有之會也。人閒此會亦應稀。

雪朝乘興欲詣李司徒畱守。先以五韻戲之。

夜寒生酒思。曉雪引詩情。熱飲一兩盞。冷吟三五聲。鋪花連地凍。銷玉畏天晴。

好拂烏巾出。宜披鶴氅行。梁園應有興。何不召鄒生。

贈思黯。前以履道新小澗詩寄思黯。報章云。請向歸仁砌下看。思黯歸仁宅亦有小澗。

爲憐清淺愛潺湲。一日三回到水邊。若道歸仁灘更好。主人何故別三年。

聽歌六絕句

聽都子歌。詞云。試問常娥更要無。

都子新歌有性靈。一聲格轉已堪聽。更聽唱到常娥字。猶有樊家舊典刑。

樂世。一名六么。

管急絃繁拍漸稠。綠腰宛轉曲終頭。誠知樂世聲聲樂。老病人聽未免愁。

水調。第五偏乃五言。調詞最切。

五言一遍最殷勤。調少情多似有因。不會當時翻曲意。此聲腸斷爲何人。

想夫憐。王維右丞詞云。秦川一半夕陽開。此句尤佳。

白樂天詩後集卷十六

玉管朱絃莫急催。容聽歌送十分杯。

長愛夫憐第二句。

請君重唱夕陽開。

何滿子

開元中。滄州有歌者何滿子。臨刑過此曲以贖死。上竟不免。

世傳滿子是人名。

臨就刑時曲始成。

一曲四調歌八疊。

從頭便是斷腸聲。

離別難

綠楊陌上送行人。

馬去車廻一望塵。

不覺別時紅淚盡。

歸來無淚可霑巾。

閉樂

坐安臥穩與平肩。

倚杖披衫透四邊。

空腹三杯卯後酒。

曲肱一覺醉中眠。

更無忙苦吟閒樂。

恐是人閒自在天。

白樂天詩後集卷十七

律詩

凡一百八首

春池閒汎

綠塘新水平。紅檻小舟輕。

解纜隨風去。

開襟信意行。

淺憐清演漾。

深愛綠澄泓。

白撲柳飛絮。

紅浮桃落英。

古文科斗出。

新葉剪刀生。

樹集鶯朋友。

雲行鴈弟兄。

飛沈皆適性。酣飲自怡情。

花助銀杯氣。

松添玉軫聲。

魚跳何事樂。

鷗起復誰驚。

莫唱滄浪曲。無塵可濯纓。

池上寓興二絕

濠梁莊惠謾相爭。

未必人情知物情。

獺捕魚來魚躍出。

此非魚樂是魚驚。

【二】

水淺魚稀白鷺飢。

勞心瞪目待魚時。

外容閒暇中心苦。

似是而非誰得知。

宴後題府中水堂贈盧尹中丞

昔余爲尹日。創造之。

水齋歲久漸荒蕪。

自魏甘棠無一株。

新酒客來方宴飲。

舊堂主在重觀娛。

莫言楊柳枝空老。

府妓有歌楊柳枝曲者。因以名焉。

直致櫻桃樹已枯。

府西有櫻桃樹。因樹爲名。今樹亦枯也。

從我到君十一尹。

相看自置府中無。

自予罷後。至中丞。凡十一尹也。

和敏中洛下卽事

時敏中爲殿中分司。

昨日池塘春草生。

阿連新有好詩成。

花園到處鶯呼入。

駿馬遊時客避行。

水暖魚多似南國。

人稀塵少勝西京。

洛中佳境應無限。

若欲語知問老兄。

送敏中新授戶部員外郎西歸

千里歸程三伏天。

官新身健馬翩翩。

行衝赤日加餐飯。

上到青雲穩著鞭。

長慶老郎唯我在，客曹故事望君傳。前鴻後鴈行難續，相去迢迢二十年。

長慶初，予爲主客郎中，知制誥。遷中書舍人，去今二十一年也。

南侍御以石相贈助成水聲，因以絕句謝之。

泉石磷磷聲似琴，閉眠靜聽洗塵心。莫輕兩片青苔石，一夜潺湲直萬金。

閉居自題戲招宿客

水畔竹林邊，閉居二十年。健常攜酒出，病卽掩門眠。解綬收朝佩，褰裳出野船。褰裳出野船，褰裳出野船。屏除身外物，擺落世閒緣。報曙窗何早，知秋簟最先。微風深樹裏，斜日小樓前。渠口添新石，籬根寫亂泉。欲招同宿客，誰解愛潺湲。西亭橋下。泉石有聲。

李留守相公見過池上泛舟舉酒話及翰林舊事因成四韻以獻之

引棹尋池岸，移樽就菊叢。何言濟川後，相訪釣船中。白首故情在，青雲往事空。同時六學士，五相一漁翁。

閏九月九日獨飲

黃花叢畔綠尊前，猶有些些舊管絃。偶遇閏秋重九日，東籬獨酌一陶然。自從九月持齋戒，不醉重陽十五年。

覽盧子蒙侍御舊詩多與微之唱和感今傷昔因贈子蒙題於卷後

早聞元九詠君詩，恨與盧君相識遲。今日逢君開舊卷，卷中多道贈微之。相看掩淚情難說，別有傷心事豈知。聞道咸陽墳上樹，已抽三丈白楊枝。

寒亭留客

今朝閒坐石亭中，爐火銷殘尊又空。冷落若爲留客住，冰池霜竹雪霽翁。

新小灘

石淺沙平流水寒，水邊斜插一漁竿。江南客見生鄉思，道是嚴陵七里灘。

和李中丞與李給事山居雪夜同宿小酌

憲府觸邪蛾豸角，瑣闥駁正犯龍鱗。二人當官嚴事，爲時所稱也。忽作深山同宿人，一盞寒燈雲外夜。數杯溫酎雪中春，那知近地齋居客。林泉莫作多時計，

履道西門二首

履道西門有敝居，池塘竹樹繞吾廬。豪華肥壯雖無分，飽煖安閒卽有餘。行窺朝香炊早飲，小園春暖撥新蔬。夷齊黃綺誇芝蕨，比我盤餐恐不如。

【112】

履道西門獨掩扉，官休病退客來稀。亦知軒冕榮堪戀，其奈田園老合歸。

跋龍難隨騏驎足。

傷禽莫趁鳳皇飛。

世閒認得身人少。

今我雖愚亦庶幾。

偶吟

人生變改故無窮。

昔是朝官今野翁。

久寄形於朱紫內。

漸抽身入蕙荷中。

荷衣蕙帶。皆楚詞也。

無情水任方圓器。

下繫舟隨去住風。

猶有鱸魚菘菜興。

來春或擬往江東。

雪夜小飲贈夢得

同爲嬾慢園林客。

共對蕭條雨雪天。

小酌酒巡銷永夜。

大開口笑送殘年。

久將時背成遺老。

多被人呼作散仙。

呼作散仙應有以。

曾看東海變桑田。

歲暮夜長。病中燈下。聞盧尹夜宴。以詩戲之。且爲來日張本也。

榮鬧興多嫌晝短。

衰閒睡少覺明遲。

當君秉燭銜杯夜。

是我停殮服藥時。

枕上愁吟堪發病。

府中歡笑勝尋醫。

明朝強出須謀樂。

不擬車公更擬誰。

病中數會張道士見譏。以此答之。

亦知數出妨將息。

不可端居守寂寥。

病卽藥窗眠盡日。

興來酒席坐通宵。

賢人易狎須勤飲。

蛇女難禁莫漫燒。

張道士輸白道士。

一杯沈湎便逍遙。

卯飲

短屏風掩臥牀頭。

烏帽青氈白氍毹。

卯飲一杯眠一覺。

世閒何事不悠悠。

寄題餘杭郡樓兼呈裴使君

官歷二十政。

官遊三十秋。

江山與風月。

最憶是杭州。

綠簾春送客。

紅燭夜廻舟。

不敢言遺愛。

空知念舊遊。

楊六尚書畱太湖石在洛下。借置庭中。因對舉杯。寄贈絕句。

借君片石意何如。

置向庭中慰索居。

每就玉山傾一酌。

興來如對醉尙書。

喜入新年自詠

時年七十一

白鬢如雪五朝臣。

又值新正第七旬。

老過占他藍尾酒。

病餘收得到頭身。

銷磨歲月成高位。

比類時流是幸人。

大曆年中騎竹馬。

幾人得見會昌春。

灘聲

碧玉斑斑沙歷歷。

清流泱泱響泠泠。

自從造得灘聲後。

玉管朱絃可要聽。

題石泉

殷勤傍石繞泉行。

不說何人知我情。

漸恐耳聾兼眼暗。

聽泉看石不分明。

送王卿使君赴任蘇州。因思花迎新使。感舊遊。寄題郡中木蘭西院。

一別蘇州十八載。

時光人事隨年改。

不論竹馬盡成人。

亦恐桑田半爲海。

鶯入故宮含意思。

花迎新使生光彩。

為報江山風月知。

至今白使君獨在。

出齋日喜皇甫十早訪。

三旬齋滿欲銜杯。

平旦敲門門未開。

除卻朗之攜一棹。

會昌二年春題池西小樓。

花邊春水水邊樓。

一坐經今四十秋。

望月橋傾三遍換。

園林一半成喬木。

隣里三分作白頭。

蘇李冥蒙隨獨滅。

蘇庶子弘。李中丞道愾。及陳樊二妓。十餘年皆樓中歌酒中伴。或歿或散。獨子在焉。

雖貧眼下無妨樂。

陳樊漂泊逐萍流。

自笑靈光巋然在。

春來遊得且須遊。

酬南洛陽早春見贈

物華春意尚遲迴。

寒繩柳腰收未得。

暖熏花口噤初開。

古詩云。口噤不能開。

賴有東風晝夜催。

先喜瓊琚入袖來。

久病長齋詩老退。

爭禁年少洛陽才。

對新家醞甑自種花。

香麴親看造。

芳叢手自栽。

迎春報酒熟。

玲瓏五六樹。

垂老看花開。

紅蠟半含夢。

激澗兩三杯。

恐有狂風起。

綠油新酸醅。

愁無好客來。

獨酣還獨語。

待取月明回。

攜酒往朗之莊居同飲

慵中又少經過處。

別後都無勸酒人。

不挈一壺相就醉。

以詩代書。酬慕巢尚書見寄。

慕巢書中。須切歸休結。侶之意。故以此答。

書意詩情不偶然。

若云夢想在林泉。

願為愚谷煙霞侶。

每媿尙書情眷眷。

自憐居士病緜緜。

不知待得心期否。

春盡日

思結空門香火緣。

芳景銷殘暑氣生。

感時思事坐含情。

無人開口共誰語。

醉對數叢紅芍藥。

渴嘗一盃綠昌明。

有酒回頭還自傾。

招山僧

春歸似遣鶯囀語。

好住林園三兩聲。

能入城中乞食否。

莫辭塵土汗袈裟。

欲知往處東城下。

夏日與朗禪師林下避暑

繞竹泉聲是白家。

落景賸西塵土紅。

伴僧閒坐竹泉東。

綠蘿潭上不見日。

熱惱漸知隨念盡。

清涼常願與人同。

每因毒暑悲親故。

是歲潮濕等語。皆有親友請居。

多在炎方瘴海中。

題新湖亭兼酬寄朝中親故見贈

何處披襟風快哉。一亭臨湖四門開。金章紫綬辭腰去。白石清泉就眼來。自得所宜還獨樂。各行其志莫相哈。禽魚出得池籠後。縱有人呼可更回。

病中看經贈諸道侶

右眼昏花左足風。金篦石水用無功。金篦刮眼病。見涅槃經。石水治風。見外臺方。無子同居草巷下。見法華經。有妻偕老道場中。不如迴念三乘樂。何煩更請僧爲侶。

月上新歸伴病翁。時適談氏女子自太原初歸。維摩詰有女名月上也。

遊豐樂招提佛光三寺

竹鞋葵扇白綃巾。林野爲家雲是身。山寺每遊多寄宿。都城暫出卽經旬。漢容黃綺爲逋客。堯放巢由作外臣。昨日制書臨郡縣。不談愚谷醉鄉人。

醉中得上都親友書以予停俸多時憂問貧乏偶乘酒興詠而報之

頭白醉昏昏。狂歌秋復春。一生耽酒客。五度棄官人。蘇州。刑部侍郎。河南尹。同州刺史。太子少傅。皆以病免也。異世陶元亮。前生劉伯倫。臥將琴作枕。行以鉢隨身。歲要衣三對。年支穀一困。園葵烹佐飯。林葉掃添薪。沒齒甘蔬食。搖頭謝摺紳。自能拋爵祿。終不惱交親。但得杯中漲。從生飯上塵。煩君問生計。憂醒不憂貧。

池畔逐涼

風清泉冷竹修修。三伏炎天涼似秋。黃犬引迎騎馬客。青衣扶下釣魚舟。衰容自覺宜閒坐。蹇步誰能更遠遊。料得此身終老處。只應林下與灘頭。

池鶴八絕句并序

池上有鶴介然不羣。烏鳶雞鵝次第嘲噪。諸禽似有所謂。鶴亦時復一鳴。余非治長。不通其意。因戲與贈答。以意斟酌之。聊亦自取笑耳。

雞贈鶴

一聲警露君能薄。五德司晨我用多。不會悠悠時俗士。重君輕我意如何。

鶴答雞

爾爭伉儷泥中鬪。我整羽儀松上棲。不可遣他天下眼。卻輕野鶴重家雞。

烏贈鶴

與君白黑太分明。縱不相親莫見輕。我每夜啼君怨別。玉微琴裏忝同聲。

琴曲有烏夜啼。別鶴怨。

鶴答烏

吾愛棲雲上華表。汝多攫肉下田中。吾音中羽汝聲角。琴曲雖同調不同。

別鶴在初調。鳥夜啼在角調。

鷺贈鶴

君誇名鶴我名鷺

君叫聞天我戾天

更有與君相似處

飢來一種啄腥羶

鶴答鷺

無妨自是莫相非

清濁高低各有歸

鸞鶴羣中彩雲裏

幾時曾見喘鷺飛

鶴贈鶴

君因風送入青雲

我被人驅向鴨羣

雪頸霜毛紅網掌

請看何處不如君

鶴答鷺

右軍歿後欲何依

只合隨雞逐鴨飛

未必犧牲及吾輩

大都我瘦勝君肥

談氏小外孫玉童

外翁七十孫三歲

笑指琴書欲遺傳

自念老夫今耄矣

因思稗子更茫然

中郎餘慶鍾羊祜

子幼能文似馬遷

才與不才爭料得

東牀空後且嬌憐

談氏初

送後集往廬山東林寺兼寄雲阜上人

後集寄將何處去

故山迢遞在匡廬

舊僧獨有雲阜在

三二年來不得書

別後道情添幾許

老來筋力又何如

來生緣會應非遠

彼此年過七十餘

客有說

客即李折東也。所說不能具錄其事。

近有人從海上迴

海山深處見樓臺

中有仙龕虛一室

多傳此待樂天來

答客說

吾學空門非學仙

恐君此說是虛傳

海山不是我歸處

歸即應歸兜率天

予晚年結彌勒上生業。故云。

哭劉尚書夢得二首

四海齊名白與劉

百年交分兩綢繆

同貧同病退閒日

一死一生臨老頭

杯酒花雄君與操

曹公曰。天下英雄唯使君與操耳。

文章微婉我知丘

仲尼云。後世知丘者春秋。又云。春秋之旨。微而婉也。

賢豪雖歿精靈在

應共微之地下遊

【二】

今日哭君吾道孤

寢門淚滿白髭鬚

不知箭折弓何用

兼恐唇亡齒亦枯

宵宵窮泉埋寶玉

駸駸落景挂桑榆

夜臺暮齒期非遠

但問前頭相見無

昨日復今辰

昨日復今辰。悠悠七十春。所輕多故處

卻想似前身。散秩優遊老。閒居清淨貧。

螺杯中有物。鶴髦上無塵。解佩收朝帶。抽簪換野巾。風儀與名號。別是一生人。

門有醫來往。庭無客送迎。病銷談笑興。老足歎嗟聲。鶴伴臨池立。人扶下砌行。脚瘡春斷酒。那得有心情。

遊趙邨杏花一無遊字

趙邨紅杏每年開。十五年來看幾迴。七十三人難再到。今春來是別花來。

刑部尙書致仕

十五年來洛下居。道緣俗累兩何如。迷路心迴因向佛。宦途事了是懸車。全家遞世曾無悶。半俸資身亦有餘。唯是名銜人不會。崑耶長者白尙書。

初致仕後戲酬留守牛相公并呈分司諸寮友

南北東西無所羈。挂冠自在勝分司。看花嘗酒多先到。拜表行香盡不知。包筍烹魚飽餐後。擁袍枕臂醉眠時。報君一語君應笑。兼亦無心羨保釐。

問諸親友

七十人難到。過三更較稀。占花租野寺。定酒典朝衣。趁醉春多出。貪歡夜未歸。不知親故口。道我是耶非。

戲問牛司徒

抖擻塵纓掃白鬚。半酣扶起問司徒。不知詔下懸車後。醉舞狂歌有例無。

不與老爲期

不與老爲期。因何兩鬢絲。纔應免天促。便已及衰羸。昨夜夢何在。明朝身不知。百憂非我所。三樂是吾師。閉目常閒坐。低頭每靜思。存神機慮息。養氣語言遲。行亦攜詩篋。眠多枕酒卮。自慙無一事。少有不安時。

開龍門八節石灘詩二首并序

東都龍門潭之南有八節灘九峭石船筏過此例及破傷舟人檝師推挽束縛大寒之月。裸跣水中饑凍有聲聞於終夜予嘗有願力及則救之會昌四年有悲智僧道遇適同發心經營開鑿貧者出力仁者施財於戲從古有礙之險未來無窮之苦忽乎一旦盡除去之茲吾所用適願快心拔苦施樂者耳豈獨以功德福報爲意哉因作二詩刻題石上以其地屬寺事因僧故多引僧言見志。

鐵鑿金鎚殷若雷。八灘九石劔稜摧。竹篙桂檝飛如箭。百筏千艘魚貫來。

振錫導師憑衆力。揮金退傅施家財。他時相逐西方去。莫慮塵沙路不開。

【一】

七十三翁且暮身，
 誓開險路作通津。
 十里叱灘變河漢，
 八寒陰獄化陽春。
 聞施慈悲與後人，
 夜舟過此無傾覆。
 朝歷從今免苦辛，
 我身雖歿心長在。

閒坐

婆娑放雞犬，嬉戲任兒童。
 閒坐槐陰下，閒襟向晚風。
 人物何相稱，居然田舍翁。
 酒麻池水裏，曬棗日陽中。

酬寄牛相公同宿話舊勸酒見贈

每來政事堂中宿，共憶華陽觀裏時。
 交遊今日唯殘我，富貴當年更有誰。
 道場獨坐，日暮獨歸愁米盡。
 彼此相看頭雪白，一杯可合重推辭。

整頓衣巾拂淨牀，一餅秋水一鐘香。
 朝謁久停收劔珮，宴遊漸罷廢壺觴。
 世閒無用殘年處，祇合逍遙坐道場。

偶作寄朗之

歷想爲官日，無如刺史時。
 歡娛接賓客，飽暖及妻兒。
 分司勝刺史，致仕勝分司。
 何況園林下，欣然得朗之。
 仰名同舊識，爲樂卽新知。

有雪先相訪，無花不作期。
 鬪釀乾釀酒，誇妙細吟詩。
 岐分兩回首，書到一開眉。
 葉落槐亭院，冰生竹閣池。
 身與心俱病，容將力共衰。
 老來多健忘，唯不忘相思。

狂吟七言十四韻

亦知世是休明世，自想身非富貴身。
 遊依二室成三友，住近雙林當四鄰。
 香山閒宿一夜，梓澤連遊十六春。
 藥停有喜閒銷疾，金盡無憂醉忘貧。
 俸隨日計錢盈貫，祿逐年支粟滿囷。
 遊邨果熟饋爭新，詩章人與傳千首。
 東都除我更無人。

喜裴濤使君攜詩見訪醉中戲贈

忽聞扣戶醉吟聲，不覺停杯倒屣迎。
 得潮州楊尙書繼之書并詩，以此寄之。
 詩情書意兩殷勤，來自天南瘴海濱。
 親觀銀鈎還啓齒，細吟瓊什欲霑巾。

鳳池隔絕三千里。

蝸舍沈冥十五春。

唯有新昌故園月。

至今分照兩鄉人。

鳳池屬楊州也。蝸舍自謂也。

宿府池西亭

池上平橋橋下亭。

夜深睡覺上橋行。

白頭老尹重來宿。

十五年前舊月明。

閒眠

暖牀斜臥日曛腰。

一覺閒眠百病銷。

盡日一餐茶兩椀。

更無所要到明朝。

楊柳枝詞

一樹春風千萬枝。

嫩於金色軟於絲。

永豐西角荒園裏。

盡日無人屬阿誰。

詔取永豐柳植禁苑感賦

一樹衰殘委泥土。

雙枝榮耀植天庭。

定知玄象今春後。

柳宿光中添兩星。

齋居春久感事遣懷

齋戒坐三旬。

笙歌發四鄰。

月明停酒夜。

眼闔看花人。

賴學空爲觀。

深知念是塵。

猶思閒語笑。

未忘舊交親。

久作龍門主。

多爲免苑賓。

水嬉歌盛日。

雪宴燭通晨。

事事皆過分。

時時自問身。

風光拋得也。

七十四年春。

每見呂南二郎中新文輒竊有所歎惜因成長句以詠所懷

雙金百鍊少人知。

縱我知君徒爾爲。

望梅閣老無妨渴。

二賢詞藻。爲贈麗衆多。以予曾忝制誥。故呼閣老。

畫餅尙書不救飢。

喻無益。白戲也。

白日回頭看又晚。

青雲舉足躡何遲。

壯年可惜虛銷擲。

遣把閒杯吟詠詩。

歡喜二偈

得老加年誠可喜。

當春對酒亦宜歡。

心中別有歡喜事。

開得龍門八節灘。

【二】

眼暗頭旋耳重聽。

唯餘心口尙醒醒。

今朝歡喜緣何事。

禮徹佛名百部經。

閒居貧活計

冠蓋閒居少。

箠瓢陋巷深。

稱家開戶牖。

量力置園林。

儉薄身都慣。

營爲力不任。

飢烹一斤肉。

暖臥兩重衾。

尊有陶潛酒。

囊無陸賈金。

莫嫌貧活計。

更富卽勞心。

贈諸少年

少年莫笑我蹉跎。

聽我狂翁一曲歌。

入手榮名取雖少。

關心穩事得還多。

老慙退馬霜芻秣。

謂致仕。牛俸也。

高喜歸鴻脫弋羅。

官給俸錢天與壽。

些些貧病奈吾何。

感所見

巧者焦勞智者愁，愚翁何喜復何憂。
網外老雞因斷尾，盤中鮮膾為吞鉤。
莫嫌山木無人用，大勝籠禽不自由。
誰人會我心中事，冷笑時時一掉頭。

寄黔州馬常侍

閒看雙節信為貴，樂飲一杯誰與同。
可惜風情與心力，五年拋擲在黔中。

和李相公留守題漕上新橋六韻

同用黎字

選石鋪新路，安橋壓古堤。似從銀漢下，落榜玉川西。
影定闌干倒，標高華表齊。煙開虹半見，月冷鶴雙棲。
材映夔龍小，功嫌元凱低。從容濟世後，餘力及黔黎。

閒居

風雨蕭條秋少客，門庭冷靜晝多關。
金羈駱馬近賣卻，羅袖柳枝尋放還。

書卷略尋聊取睡，酒杯淺把粗開顏。
眼昏入夜休看月，脚重經春不上山。

心靜無妨喧處寂，機忘兼覺夢中閒。
是非愛惡銷停盡，唯寄空身在世閒。

新秋夜雨

蟋蟀暮啾啾，光陰不少留。松楸半夜雨，風幌滿牀秋。
曙早燈猶在，涼初簟未收。

新晴好天氣，誰伴老人遊。

春眠

枕低被暖身安穩，日照房門帳未開。
還有少年春氣味，時時暫到睡中來。

喜老自嘲

面黑頭雪白，自嫌還自憐。毛龜著下老，蝙蝠鼠中仙。
名籍同逋客，衣裝類古賢。

裘輕被白氈，靴暖蹋烏氈。周易休開卦，陶琴不上絃。
任從人棄擲，自與我周旋。

鐵馬因疲退，鉛刀以鈍全。行開第八秩，可謂盡天年。
時俗謂七十已上為開第八秩。

河陽石尚書破廻鸚鵡迎貴主，過上黨射鸞鷲繪畫為圖，猥蒙見示，稱歎不足，以詩美之。

塞北虜郊隨手破，

山東賊壘掉鞭收。烏孫公主歸秦地，白馬將軍入潞州。

劔拔青鱗蛇尾活，弦抨赤羽火星流。須知烏目猶難漏，
烏書將入潞府。偶逢水鳥驚驚引弓將之。一發中目。

他時麟閣圖勳業，更有天狼豈足憂。畫角三聲刁斗曉，清商一部管絃秋。

自詠老身示諸家屬

壽及七十五，俸露五十千。夫妻借老日，甥姪聚居年。
粥美嘗新米，袍溫換故絛。

家居雖淺落，眷屬幸團圓。置榻素屏下，移爐青帳前。
書聽孫子讀，湯看待兒煎。

走筆還詩債，抽衣當藥錢。支分閒事了，爬背向陽眠。

自問此心呈諸老伴

朝問此心何所思，暮問此心何所爲。
 居士室閒眠得所，少年場上飲非宜。
 心未會求過分事，身常少有不安時。
 不入公門慵斂手，不看人面免低眉。
 美醞徐徐進一卮，更問其餘盡不知。

六年立春日人日作

二日立春人七日，盤蔬餅餌逐時新。
 年方吉鄭猶爲少，家比劉韓未是貧。
 鄉園節歲應堪重，親故歡遊莫厭頻。
 試作循潮封眼想，何由得見洛陽春。

分司致仕官中。古傳。鄭謫議最老。韓庶子。劉員外尤貧。循潮封三郡選客。皆洛下舊遊也。

齋居偶作

童子裝爐火，行添一炷香。
 老翁持麈尾，坐拂半張牀。
 卷幔看天色，移齋近日陽。
 甘鮮新餅果，穩暖舊衣裳。
 止足安生理，優閒樂性場。
 是非一以遣，動靜百無妨。
 豈有物相累，兼無情可忘。
 不須憂老病，心是自醫王。

詠身

自中風來三歷閏，病風八年凡三閏矣從懸車後幾逢春。
 周南留滯稱遺老，見太史公傳淡上羸殘號半人。見晉書商傳薄有文章傳子弟，
 斷無書札答交親。餘年自問將何用。

恐是人閒賸長身。

予與山南英華作王僕射淮南李僕射事歷五朝踰三紀海內年輩今唯

三人榮路雖殊交情不替聊題長句寄舉之公垂二相公

故交海內只三人，二坐巖廊一臥雲。
 老愛詩書還似我，榮兼將相不如君。
 百年膠漆初心在，萬里煙霄中路分。
 阿閣鸞鳳野田鶴，何人信道舊同羣。

讀道德經

玄元皇帝著遺文，烏角先生仰後塵。
 金玉滿堂非己物，子孫委蛻是他人。
 世閒盡不關吾事，天下無親於我身。
 只有一身宜愛護，少教冰炭逼心神。

禽蟲十二章并序

莊列寓言風騷比興多假蟲鳥以爲筌蹄故詩義始於關雎鵲巢道說先乎鯤鵬蜩鷓之類是也子閒居乘輿偶作一十二章頗類志怪放言每章可致一哂一哂之外亦有以自警其衰老封執之感焉頃如此作多與故人微之夢得共之微之夢得嘗云此乃九奏中新聲八珍中異味也有旨哉有旨哉今則獨吟想二君在目能無恨乎

燕達戊己鵲避歲，茲事因何羽族知，疑有鳳皇頌鳥曆，一時一日不參差。

不知其然也。燕銜泥。常避戊己日。鵲巢口。常避太歲。驗之皆信。

【一】

水中科斗長成蛙。
林下桑蠶老作蛾。
蛙跳蛾舞仰頭笑。
焉用鯤鵬鱗羽多。

【二】

江魚羣從稱妻妾。
塞鴈聯行號弟兄。
但恐世間真眷屬。
親疎亦是強爲名。

【三】

蠶老繭成不庇身。
蜂飢蜜熟屬他人。
須知年老憂家者。
恐是二蟲虛苦辛。

【四】

阿閣鸚鵡田舍烏。
妍蚩貴賤兩懸殊。
如何閉向深籠裏。
一種摧頽觸四隅。

【五】

獸中刀槍多怒吼。
鳥遭羅弋盡哀鳴。
羔羊口在緣何事。
閻死屠門無一聲。

【七】

蝮蜈殺敵蚊巢上。
蠻觸交爭蝸角中。
應似諸天觀下界。
一微塵內闢英雄。

【八】

蠶蛸網上罨蜂虻。
反覆相持死始休。
何異浮生臨老日。
一彈指頃報恩讐。

【九】

蟻王化飯爲臣妾。
螺母偷蟲作子孫。
彼此假名非本物。
其閒何怨更何恩。

【十】

豆苗鹿嚼解烏毒。
艾葉雀銜奪燕巢。
鳥獸不曾看本草。
諳知藥性是誰教。

【十一】

一鼠得仙生羽翼。
衆鼠相看有羨色。
豈知飛上未半空。
已作烏鳶口中食。

【十二】

鵝乳養雛遺在水。
魚心想子變成鱗。
細微幽隱何窮事。
知者唯應是聖人。

雲放乳水中。不能離。羣龍從而食之。皆飽而去之。又如魚想子。子成魚。如是佛經中說。

白樂天詩後集卷十八

格律詩 凡十首

窗中列遠岫 以題中平聲爲韻。○按各本別附宜州試射中正儲賦後

天靜秋山好。窗開曉翠通。遙憐峰窈窕。不隔竹朦朧。萬點當虛室。千重疊遠空。

列檐攢秀氣。緣隙助清風。碧愛新晴後。明宜反照中。宣城郡齋在。望與古時同。

玉水記方流 以流字爲韻。六十字成。○按各本別附有賦性習遠近賦後

良璞含章久。寒泉徹底幽。矩浮光澹澹。方折浪悠悠。凌亂波紋異。縈廻水性柔。

似風搖淺瀨。疑月落清流。潛穎應傍達。藏真豈上浮。玉人如不見。淪棄卽千秋。

大社觀獻捷詩 以功字爲韻。四韻成

淮海妖氛滅。乾坤嘉氣通。班師郊社內。操袂凱歌中。廟算無遺策。天兵不戰功。

小臣同鳥獸。率舞向皇風。

自誨

樂天樂天。來與汝言。汝宜拳拳。終身行焉。物有萬類。鋼人如鎖。事有萬感。

蒸人如火。萬類遞來。鑠汝形骸。使汝未老。形枯如柴。萬感遞至。火汝心懷。

使汝未死。心化爲灰。樂天樂天。可不大哀。汝胡不懲往而念來。人生百歲七十

稀。設使與汝七十期。汝今年已四十四。卻後二十六年能幾時。汝不思二十五六

年來事。疾速倏忽如一寐。往日來日皆瞥然。胡爲自苦於其閒。樂天樂天。可不

大哀。而今而後。汝宜饑而食。渴而飲。晝而興。夜而寢。無浪喜。無妄憂。病

則臥。死則休。此中是汝家。此中是汝鄉。汝何捨此而去。自取其遑遑。遑遑兮

欲安往哉。樂天樂天歸去來。

三 謠并序

余廬山草堂中。有朱藤杖一。蟠木机一。素屏風二。時多杖藤而行。隱机而坐。掩屏而臥。宴息之暇。筆研在前。偶爲三謠。各導其意。亦猶座右陋室銘之類爾。

蟠木謠

蟠木蟠木。有似我身。不中乎器。無用於人。下擁腫而上轉菌。桷不桷兮輪不輪。天子建明堂兮。既非梁棟。諸侯斲大輅兮。材又不中。唯我病夫。或有所用。用爾爲几。承吾臂支吾頤而已矣。不傷爾性。下枉爾理。爾快快爲几之外無所用爾。

爾既不材，吾亦不材。胡爲乎人閒徘徊。蟠木蟠木，吾與汝歸草堂去來。

素屏謠

素屏素屏，胡爲乎不文不飾。不丹不青，當世豈無李陽冰之篆字。張旭之筆跡，邊鸞之花鳥。張璪之松石。吾不令加一點一畫於其上。欲爾保真而全白。吾於香爐峰下置草堂。二屏倚在東西牆。夜如明月入我室。曉如白雲圍我牀。我心久養浩然氣。亦欲與爾表裏相輝光。爾不見當今甲第與王宮。織成步障錦屏風。綴珠陷銅貼雲母。五金七寶相玲瓏。貴豪待此方悅目。晏然寢臥乎其中。素屏素屏。物各有所宜。用各有所施。爾今木爲骨兮紙爲面。捨吾草堂欲何之。

朱藤謠

朱藤朱藤，溫如紅玉。直如朱繩。自我得爾以爲杖。大有裨於股肱。前年左遷東南萬里。交遊別我於國門。親友送我於滙水。登高山兮。車倒輪摧。渡淡水兮。馬跼蹄開。中途不進。部曲多迴。唯此朱藤。實隨我來。瘴癘之鄉。無人之地。扶衛衰病。驅訶魑魅。吾獨一身。賴爾爲二。或水或陸。自北徂南。泥黏雪滑。足力不堪。吾本兩足。得爾爲三。紫霄峰頭。黃石巖下。松門石磴。不通與馬。吾與爾披雲撥水。環山繞野。二年踰徧匡廬閒。未嘗一步而相捨。雖有佳子弟良

朋友。扶危助蹇。不如朱藤。嗟乎窮既若是。通復何如。吾不以常杖待爾。爾勿以常人望吾。朱藤朱藤。吾雖青雲之上黃泥之下。誓不棄爾於斯須。

無可奈何歌

無可奈何兮。白日走而朱顏積。少日往而老日催。生者不住兮。死者不迴。況乎寵辱豐頓之外物。又何常不十去而一來。去不可挽兮。來不可推。無可奈何兮。已焉哉。惟天長而地久。前無始兮後無終。嗟吾生之幾何。寄瞬息兮其中。又如太倉之稗米。委一粒於萬鍾。何不與道逍遙。委化從容。縱心放志。洩洩融融。胡爲乎分愛惡於生死。繫憂喜於窮通。偏強其骨髓。齟齬其心腎。合冰炭以交戰。祇自苦兮厭躬。彼造物者。云何不爲。此與化者。云何不隨。或煦或吹。或盛或衰。雖千變與萬化。委一順以貫之。爲彼何非。爲此何是。誰冥此心。夢蝶之子。何禍非福。何吉非凶。誰達此觀。喪馬之翁。俾吾爲秋毫之杪。吾亦自足。不見其小。俾吾爲泰山之阿。吾亦無餘。不見其多。是以達人。靜則澹然與陰合迹。動則浩然與陽同波。委順而已。孰知其他。時邪命邪。吾其無奈彼何。委邪順邪。彼亦無奈吾何。夫兩無奈何。然後能冥至順而合太和。故吾所以飲太和扣至順。而爲無可奈何之歌。

都城風土水木之勝，在東南偏，東南之勝，在履道里，里之勝，在西北隅，西開北垣第一第，即白氏叟樂天退老之地，地方十七畝，屋室三之一，水五之一，竹九之一，而烏樹橋道閉之，初樂天既為主，喜且曰：雖有臺，無粟不能守也；乃作池東粟廩，又曰：雖有子弟，無書不能訓也；乃作池北書庫，又曰：雖有賓朋，無琴酒不能娛也；乃作池西琴亭，加石楹焉。樂天罷杭州刺史時，得天竺石一，華亭鶴二，以歸，始作西平橋，開環池路。罷蘇州刺史時，得太湖石，白蓮，折腰菱，青版舫以歸，又作中高橋，通三島，逕罷刑部侍郎時，有粟千斛，書一車，泊減獲之，習筦磬絃歌者，指百以歸，先是，潁川陳孝山與釀法酒，味甚佳，博陵崔晦叔與琴，韻甚清，蜀客姜發授秋思，聲甚淡，弘農楊貞一與青石三，方長平滑，可以坐臥，太和三年夏，樂天始得請為太子賓客，分秩於洛下，息躬於池上，凡三任所得，四人所與，泊吾不才身，今率為池中物矣。每至池風春，池月秋，水香蓮開之日，露清鶴唳之夕，拂楊石，舉陳酒，援崔琴，彈姜秋思，頽然自適，不知其他，酒酣琴罷，又命樂童登中島亭，合奏霓裳散序，聲隨風飄，或凝或散，悠揚於竹煙波月之間者久之，曲未竟，而樂天陶然已醉，睡於石上矣。睡起偶詠，非詩非賦，阿龜握筆，因題石，視其粗成韻章，命為池上篇，云爾。

十畝之宅，五畝之園，有水一池，有竹千竿，勿謂土狹，勿謂地偏，足以容鄰。

足以息肩，有堂有亭，有橋有船，有書有酒，有歌有絃，有叟在中，白鬚飄然，識分知足，外無求焉，如鳥擇木，姑務巢安，如龜居坎，不知海寬，靈鶴怪石，紫菱白蓮，皆吾所好，盡在吾前，時飲一杯，或吟一篇，妻孥熙熙，雞犬閒閒，優哉遊哉，吾將終老乎其間。

齒落辭并序

開成二年，予春秋六十六，瘠黑衰白，老狀具矣，而雙齒又墮，慨然感歎者久之，因為齒落辭以自廣，其辭曰：

嗟嗟乎雙齒，自吾有之，而俾爾嚼肉咀蔬，銜杯漱水，豐吾膚革，滋吾骨髓，從幼逮老，動亦至矣，幸有輔車，非無齟齬，胡然捨我，一旦雙落，齒雖無情，吾豈無情，老與齒別，齒隨涕零，我老日來，爾去不迴，嗟嗟乎雙齒，孰謂而來哉，孰謂而去哉，齒不能言，請以意宣，為口中之物，忽乎六十餘年，昔君之壯也，血剛齒堅，今君之老矣，血衰齒寒，輔車齟齬，日削月陵，上參差而下，齟齬，會何足以少安，嘻君其聽哉，女長辭姥，臣老辭主，髮衰辭頭，葉枯辭樹，物無細大，功成者去，君何嗟嗟，獨不開諸道經，我身非我有也，蓋天地之委形，君何嗟嗟，又不聞諸佛說，是身如浮雲，須臾變滅，由是而言，君何有焉，所宜委百

骸而順萬化。胡爲乎嗟嗟於一牙一齒之間。吾應曰吾過矣。爾之言然。不能忘情吟并序

樂天既老又病風乃錄家事會經費去長物妓有樊素者年二十餘綽綽有歌舞態善唱楊枝人多以曲名名之由是名聞洛下籍在經費中將放之馬有駱者粗壯駿穩乘之亦有年籍在經物中將鬻之圉人牽馬出門馬驤首反顧一鳴聲音閒似知去而旋戀者素聞馬嘶慘然立且拜婉變有辭辭畢泣下予聞素言亦感默不能對且命廻勒反袂飲素酒自飲一杯快吟數十聲聲成文文無定句句隨吟之短長也凡二百五十五言噫予非聖達不能忘情又不至於不及情者事來攪情情動不可柅因自哂題其篇曰不能忘情吟吟曰

鸞駱馬兮放楊柳枝。掩翠黛兮頓金羈。馬不能言兮。長鳴而卻顧。楊柳枝再拜長跪而致辭。辭曰。主乘此駱五年。凡千有八百日。銜槩之下。不驚不逸。素事主十年。凡三千有六百日。巾櫛之閒。無違無失。今素貌雖陋。未至衰摧。駱力猶壯。又無虺隤。即駱之力。尚可以代主一步。素之歌亦可以送主一杯。一旦雙去。有去無廻。故素將去其辭也苦。駱將去其鳴也哀。此人之情也。馬之情也。豈主君獨無情哉。予俯而歎。仰而吟。且曰駱駱爾勿嘶。素素爾勿啼。駱反底。素反

聞。吾疾雖作年雖頽。幸未及項籍之將死。何必一日之內。棄離兮而別處兮。乃目素兮素兮。爲我歌楊柳枝。我姑酌彼金盞。我與爾歸醉鄉去來。

白樂天詩後集卷十九

格律詩

凡五十
五首

勸酒 以下出文苑英華

昨與美人對尊酒。	朱顏如花腰似柳。	今與美人傾一杯。	秋風颯颯頭上來。
年光似水向東去。	兩鬢不禁白日催。	東鄰起樓高百尺。	璇題照日光相射。
珠翠無非二八人。	盤筵何啻三千客。	鄰家儒者方下帷。	夜誦古書朝忍饑。
身年三十未入仕。	仰望東鄰安可期。	一朝逸翮乘風勢。	金榜高張登上第。
春闈未了冬登科。	九萬搏風誰與繼。	不逾十稔居台衡。	門前車馬紛縱橫。
人人仰望在何處。	造化筆頭雲雨生。	東鄰高樓色未改。	主人云亡息猶在。
金玉車馬一不存。	朱門更有何人待。	牆垣反鎖長安春。	樓臺漸漸屬西鄰。
松篁薄暮亦棲鳥。	桃李無情還笑人。	憶昔東鄰宅初構。	雲甍彩棟皆非舊。

瑤瑁筵前翡翠樓。芙蓉池上鴛鴦調。

日往月來凡幾秋。

一衰一盛何悠悠。

南陽小將張彥瑛。口鎮稅人場射虎歌。

海內昔年狎太平。

橫目穰穰何崢嶸。

天生天殺豈天怒。

忍使朝朝假猛虎。

關東驛路多丘荒。

行人最忌稅人場。

張彥雄特制殘暴。

見之叱起如叱羊。

鳴弦霹靂越幽阻。

往往依林猶旅拒。

草際旋看委錦茵。

腰閒不更抽白羽。

老饕已斃衆難恐。

童穉擲槍皆自勇。

忠良效順勢亦然。

一劍猜狂敢輕動。

有文有武方爲國。

不是英雄伏不得。

試徵張彥作將軍。

幾箇將軍願策勳。

陰雨

潤葉濡枝洩四方。

濃雲來去勢何長。

曠然寰宇清風滿。

救旱功高暑氣涼。

喜雨

西北油然雲勢濃。

須臾驟沛雨飄空。

頓疎萬物焦枯意。

定看郊秋稼穡豐。

過故洛城

故城門前春日斜。

故城門裏無人家。

市朝欲認不知處。

漠漠野田飛草花。

詭失婢勝

出唐詩紀事

宅院小牆卑。坊門帖勝遲。舊思慙自薄。前事悔難追。籠鳥無常主。風花不戀枝。今宵在何處。惟有月明知。

江南喜逢蕭九徹。因話長安舊遊贈五十韻

出才調集

憶昔嬉遊伴。多陪歡宴場。寓居同永樂。幽會共平康。師子尋前曲。聲兒出內坊。花深態奴宅。竹錯得憐堂。庭晚開紅藥。門閉蔭綠楊。經過悉同巷。居處盡連牆。時世高梳髻。風流澹作妝。戴花紅石竹。較暈紫檳榔。鬢動懸蟬翼。釵垂小鳳行。拂胸輕粉絮。暖手小香囊。選勝移銀燭。邀歡舉玉觴。爐煙凝麝氣。酒色注鵝黃。急管停還奏。繁絃慢更張。雪飛迴舞袖。塵起繞歌梁。舊曲翻調笑。新聲打義揚。多情推阿軟。巧語許秋娘。風暖春將暮。星迴夜未央。宴餘添粉黛。坐久換衣裳。結伴歸深院。分頭入洞房。綵帷開翡翠。羅薦拂鴛鴦。留宿爭牽袖。貪眠各占牀。綠窗籠水影。紅壁背燈光。索鏡收花鈿。遊人解袷襦。暗嬌妝靨笑。私語口脂香。怕曉聽鐘坐。羞明映綬藏。眉殘蛾翠淺。鬢解綠雲長。聚散知無定。憂歡事不常。離筵開夕宴。別騎促晨裝。去住青門外。留連滻水傍。車行遙寄語。馬駐共相望。雲雨分何處。山川共異方。野行初寂莫。店宿乍恓惶。別後嫌宵永。愁來厭歲芳。幾看花結子。頻見露爲霜。歲月何超忽。音容坐渺茫。往還書斷絕。來去夢遊揚。

自我辭秦地。逢君客楚鄉。常嗟異岐路。忽喜共舟航。話舊堪垂淚。思鄉數斷腸。
 愁雲接巫峽。淚竹近瀟湘。月落江湖闊。天高節候涼。浦深煙渺渺。沙冷月蒼蒼。
 紅葉江楓老。青燕驛路荒。野風吹蟋蟀。湖水浸菰蔣。帝路何由見。心期不可忘。
 舊遊千里外。往事十年強。春晝提壺飲。秋林摘橘嘗。強歌還自感。縱飲不成狂。
 永夜長相憶。逢君各共傷。殷勤萬里意。并寫贈蕭郎。

贈薛濤 出張氏
主客圖

蛾眉山勢接雲霓。欲逐劉郎北路迷。若似剡中容易到。春風猶隔武陵溪。

酬令狐雷守尚書見贈十韻 以下出錢氏
律雲樓藏本

長慶清風在。夔龍變理餘。太和膏雨降。周邵保釐初。嵩少當官署。伊瀍入禁渠。
 曉關開玉兔。夕鑰納銀魚。舊眷憐移疾。新吟念索居。離聲雙白鷗。行色一籃輿。
 罷免無餘俸。休閒有敝廬。慵於嵇叔夜。渴似馬相如。酒每蒙酤我。 詩鄭箋云。酤。賈也。香沽。

聽蘆管

幽咽新蘆管。淒涼古竹枝。似臨猿峽唱。疑在鴈門吹。調爲高多切。聲緣小乍遲。
 蠶豪嫌繁響。細妙勝參差。雲水巴南客。風沙隴上兒。屈原收淚夜。蘇武斷腸時。

仰秣胡駒聽。驚棲越鳥知。何言胡越異。聞此一同悲。

送滕庶子致仕歸婺州

春風秋月攜歌酒。八十年來翫物華。已見曾孫騎竹馬。猶聽侍女唱梅花。
 入鄉不杖歸時健。出郭乘輶到處誇。兒著繡衣身衣錦。東陽門戶勝滕家。

送劉郎中赴任蘇州

仁風膏雨去隨輪。勝境歡遊到逐身。水驛路穿兒店月。花船棹入女湖春。
 宣城獨詠窗中岫。柳惲單題汀上蘋。何似姑蘇詩太守。

語兒店。女湖。皆勝地也。

吟詩相繼有三人。 領吳郡日。劉曾贈子詩云。蘇州刺史例能。西掖今來替左司。故有三人之戲耳。

福先寺雪中餞劉蘇州

送君何處展離筵。大梵王宮大雪天。庾嶺梅花落歌管。謝家柳絮撲金田。
 亂從紈袖交加舞。醉入籃輿取次眠。卻笑召鄒兼訪戴。只持空酒駕空船。

除夜言懷兼贈張常侍

三百六句今夜盡。六十四年明日催。不用歎身隨日老。亦須知壽逐年來。
 加添雪興憑氈帳。消殺春愁付酒杯。唯恨詩成君去後。紅箋紙卷爲誰開。

送張常侍西歸

二年花下爲閒伴。一旦樽前棄老夫。

西午橋街行恨望。出鎮歸朝但相訪。

南龍興寺立踟躕。此身應不離東都。

和河南鄭尹新歲對雪

白雪吟詩鈴閣開。

故情新與兩徘徊。

昔經勤苦照書卷。

今助歡娛飄酒杯。

楚客難酬郢中曲。

吳公兼占洛陽才。

銅街金谷春知否。

又有詩人作尹來。

吹笙內人出家

雨露難忘君念重。

電池易滅妾身輕。

金刀已剃頭然髮。

佛敎云。若救頭然。

道場夜半香花冷。

玉管休吹腸斷聲。

新戒珠從衣裏得。

初心運向火中生。

猶在燈前禮佛名。

醉中見微之舊卷有感

醉中見微之舊卷有感

今朝何事一霑襟。

檢得君詩醉後吟。

老淚交流風病眼。

春篔搖動酒杯心。

銀鈎塵覆年年暗。

玉樹泥埋日日深。

聞道墓松高一丈。

更無消息到如今。

壽安歌馬重吟

春衫細薄馬蹄輕。

一日遲遲進一程。

野棗花含新蜜氣。

山禽語帶破袍聲。

垂鞭晚就槐陰歇。

低倡閒衝柳絮行。

忽憶家園須速去。

櫻桃欲熟筍應生。

贈張處士山人

蘿襟蕙帶竹皮巾。

雖到塵中不染塵。

每見俗人多慘澹。

惟逢美酒卽殷勤。

浮雲心事誰能會。

老鶴風標不可親。

世說三生如不謬。

共疑集許是前身。

池畔閒坐兼呈侍中

池畔最平處。

樹陰新合時。

移牀解衣帶。

坐任清風吹。

前頭何所有。

一卷晉公詩。

舉棹鳥先覺。

垂綸魚未知。

初冬卽事憶皇甫十

冷竹風成韻。

荒街葉作堆。

欲尋聯句卷。

先飲煖寒杯。

時時還有客。

終不當君來。

帽爲迎霜戴。

爐因試火開。

小庭寒夜寄夢得

庭小同蟬舍。

門閒稱雀羅。

火將燈共盡。

風與雪相和。

不知同病者。

爭奈夜長何。

老睡隨年減。

衰情向夕多。

西還壽安路西歇馬

槐陰歇鞍馬。

柳絮惹衣巾。

日晚獨歸路。

春深多思人。

已念紗窗下。

應生寶瑟塵。

去家纔百里。

爲客只三旬。

雨中訪崔十八

肩昇仍挈榼。莫怪就君來。秋雨經三宿。無人勸一杯。

夢得得新詩

池上今宵風月涼。閒教少樂理霓裳。集仙殿裏新詞到。便播笙歌作樂章。

初見劉二十八郎中有感

欲話毘陵君反袂。欲言夏口我霓衣。誰知臨老相逢日。悲歎聲多語笑稀。

夜題玉泉

遇客多言愛山水。逢僧盡道厭羣塵。玉泉潭畔松閒宿。要且經年無一人。

拜表早出贈皇甫賓客

一月一回同拜表。莫辭侵早過中橋。老於君者應無數。猶趁西京十五朝。

贈鄭尹

府池東北舊亭臺。久別長思醉一回。但請主人空掃地。自攜杯酒管絃來。

別楊同州後卻寄

潘驛橋南醉中別。下邳邨北醒時歸。春風怪我君知否。榆葉楊花撲面飛。

狐泉店前作

野狐泉上柳花飛。逐水東流便不歸。花水悠悠兩無意。因風吹落偶相依。

贈盧續

餘杭縣裏盧明府。虛白亭中白舍人。今日相逢頭似雪。一杯相勸送殘春。

與裴華州同過敷水戲贈

使君五馬且踟躕。馬上能聽絕句無。每過桑間試畱意。何妨後代有羅敷。

閒遊

欲笑隨情酒逐身。此身雖老未辜春。春來點檢閒遊數。酒自多於年少人。

招韜光禪師

出清波友成
淳熙安志

白屋炊香飯。葷膾不入家。瀘泉澄葛粉。青芥除黃花。紅薑蒂紫芽。

和柳公權登齊雲樓

以下出范成
大吳郡志

樓外春晴百鳥鳴。樓中春酒美人傾。路傍花日添衣色。雲裏天風散珮聲。

向此高吟誰得意。偶來閒客獨多情。佳時莫起興亡恨。遊樂今逢四海清。

毛公壇

毛公壇上片雲閒。得道何年去不還。千載鶴翎歸碧落。五湖空鎮萬重山。

靈巖寺

館娃宮畔千年寺。

水閣雲多客到稀。

聞說春來更惆悵。

百花深處一僧歸。

白雲泉

天平山上白雲泉。

雲自無心水自閒。

何必奔衝山下去。

更添波浪向人閒。

寄韜光禪師

出東坡題跋。

一山門作兩山門。

兩寺原從一寺分。

東澗水流西澗水。

南山雲起北山雲。

前臺花發後臺見。

上界鐘聲下界聞。

遙想吾師行道處。

天香桂子落紛紛。

和夢得夏至憶蘇州呈盧賓客

以下出秦與李氏手校宋本。

憶在蘇州日。

常詣夏至筵。

糗香筒竹嫩。

炙脆子鵝鮮。

每家皆有酒。

無處不過船。

交印君相次。

寒帷我在前。

予與劉虛三人前後相次典蘇州。今同分司。老於洛下。

洛下麥秋月。

江南梅雨天。

齊雲樓上事。

曲江

細草岸西東。

酒旗搖水風。

樓臺在花杪。

鷗鷺下煙中。

何人賞秋景。

典與此時同。

歲夜詠懷兼寄思黯

編數故交親。

何人得六旬。

與思黯夢得數還論沒者少過得六十。

今年已入手。

餘事豈關身。

春應不揀人。

陶窗與弘閣。

風景一時新。

寒食日過棗欄店

寒食棗欄店。

春低楊柳枝。

酒香畱客住。

鶯語和人詩。

若爲將此意。

前字與僧期。

宿張雲舉院

不食胡麻飯。

杯中自得仙。

隔房招好客。

可室致芳筵。

夜深唯畏曉。

坐穩不思眠。

甚罷嫌無敵。

詩成媿在前。

惜花

可憐天豔正當時。

剛被狂風一夜吹。

今日流鶯來舊處。

百般言語泥空枝。

七夕

煙霄微月澹長空。

銀漢秋期萬古同。

幾許歡情與離恨。

年年并在此宵中。

宿誠禪師山房題贈

不出孤峰上。

人閒四十秋。

視身如傳舍。

閱世任東流。

中宵問真偈。

有住是吾憂。

新池

數日自穿鑿，引泉來近陂。尋渠通咽處，繞岸待清時。深好求魚養，閒堪與鶴期。幽聲聽難盡，入夜睡常遲。

南池

蕭條微雨絕，荒岸抱清源。入舫山侵塞，分泉道接邨。秋聲依樹色，月影在蒲根。淹泊方難遂，他宵關夢魂。

宿池上

泉來從絕壑，亭敞在中流。竹密無空岸，松長可綉舟。蟪蛄潭上夜，河漢島前秋。異夕期新漲，攜琴卻此遊。

翻經臺

出咸淳臨安志。

一會靈山猶未散，重翻貝葉有來由。是名精進纔開眼，巖石無端亦點頭。

寄題上强山精舍寺

出王象之輿地紀勝。今湖州石刻尚存。

慣遊山水住南州，行盡天台及虎丘。惟有上强精舍寺，最堪遊處未曾遊。

句二

學織線綾功未多，亂投機杼錯拋梭。莫教宮錦行家見，把此文章殺笑他。

如今不重文章事，莫把文章誇向人。

盧氏雜話云。盧氏子合下第，步出都門。投逆旅。有一人讀至吟詩云云。盧愕然。憶是白居易詩。問之。曰。某世繼。

按錦。以薄紗投本行。皆云如今花樣與前不同。且東歸去。

白樂天詩後集卷二十 補遺 卷下

雜體連句 凡三十首

七老會詩

刑部尚書致仕太原白居易 年七十 四并序

胡吉劉鄭盧張等六賢。皆多年壽。余亦次焉。偶於東都敝居履道坊。合成尚齒之會。七老相顧。既醉且歡。靜而思之。此會希有。因各賦七言六韻詩一章。以紀之。或傳諸好事者。會昌五年三月二十四日。於白家履道宅同宴。宴罷賦詩。時祕書監狄兼謩。河南尹盧貞。以年未七十。雖與會而不及列。

七人五百八十四，拖紫紵朱垂白鬚。手裏無金莫嗟歎，尊中有酒且歡娛。吟成六韻神還壯，飲到三杯氣尚麤。鬼峨狂歌教婢拍，婆娑醉舞遣孫扶。天年高過二疏傅，人數多於四皓圖。除卻三山五天竺，三仙山。五天竺。國。多老壽者。

人閒此會更應無。

九老圖詩并序

會昌五年三月，胡吉、劉盧、張等六賢於東都敝居履道坊，合尚齒之會。其年夏，又有二老年貌絕倫，同歸故鄉，亦來斯會。續命書姓名年齒，寫其形貌，附於圖右，與前七老題為九老圖，仍以一絕贈之。

洛中遺老李元爽 年一百三十六

歸洛僧如滿 年九十五

雪作鬚眉雲作衣，遼東華表暮雙歸。當時一鶴猶希有，何況今逢兩令威。

一字至七字詩

白居易賦詩

詩。綺美。瑰奇。明月夜。落花時。能助歡笑。亦傷別離。調清金石怨。吟苦鬼神悲。天下只應我愛。世閒唯有君知。自從都尉別蘇句。便到司空送白辭。

宴興化池亭送白二十二東歸聯句

東洛言歸去。西園告別來。白頭青眼客。池上手中杯。離愁殷動奏。仙舟委曲回。征輪今欲動。賓閣為誰開。坐弄琉璃水。行登綠萼苔。花低妝照影。萍散酒吹醅。

岸蔭新抽竹。

亭香欲變梅。

隨遊多笑傲。

遇勝且徘徊。

澄澈連天鏡。

潺湲出地雷。

林塘難共賞。

鞍馬莫相催。

信及魚還樂。

機忘鳥不猜。

晚晴槐起露。

新暑石添苔。

擬作雲泥別。

猶思頃刻陪。

歌停珠貫斷。

飲罷玉峰頽。

雖有消搖志。

其如磊落才。

會當重入用。

此去肯悠哉。

首夏猶清和聯句

記得謝家詩。

清和卽此時。

餘花數種在。

密葉幾重垂。

芳謝人人惜。

陰成處處宜。

水萍爭點綴。

梁燕共追隨。

亂蝶憐疎葉。

殘鶯戀好枝。

草香殊未歇。

雲勢漸多奇。

單服初寧體。

新篁已出籬。

與春爲別近。

覺日轉行遲。

繞樹風光少。

侵階苔蘚滋。

唯思奉歡樂。

長得在西池。

薔薇花聯句

似錦如霞色。

連春接夏開。

波紅分影入。

風好帶香來。

得地依東閣。

當階奉上台。

淺深皆有態。

次第暗相催。

滿地愁英落。

綠堤惜權回。

芳濃濡雨露。

明麗隔塵埃。

似著胭脂染。

如經巧婦裁。

西池落泉聯句

東閣聽泉落。

能令夜興多。

散時猶帶沫。

淙處卻跳波。

偏洗磷磷石。

還驚泛泛鵝。

白樂天詩後集卷二十

二四一七

色青塵不染，光白月相和。居易噴雪繁松竹，攢珠澱菱荷。馮錫對吟時合響，觸樹更搖柯。籍

杏園聯句

杏園千畝欲隨風，一醉同人此暫同。醉上老態忽忘絲鬢裏，衰顏宜解酒杯中。

錄上白曲江日暮殘紅盡，翰苑年深舊事空。居易上二十四年流落者，

故人相引到花叢。馮

花下醉中聯句

共醉風光地，花飛落酒杯。錄送二殘春猶可賞，晚景莫相催。馮錫

酒幸年年有，花應歲歲開。居易送兵且當金韻擲，莫遣玉山頹。白侍郎

高會彌堪惜，良時不易陪。承宜送誰能拉花住，爭換得春回。馮錫

我輩尋常有，佳人早晚來。嗣復送寄言三相府，欲散且徘徊。馮錫

喜遇劉二十八偶書兩韻聯句

病來佳興少，老去舊遊稀。笑語縱橫作，杯觴絡繹飛。馮錫

高位當金鉉，虛懷似布衣。已榮狂取樂，仍任醉忘機。馮錫

風儀常欲附，蚊力自知微。願假尊鼻末，膺門自此依。馮錫

捨春將何適，留歡便是歸。

劉二十八自汝赴左馮途經洛中相見聯句

不歸丹掖去，銅竹漫云云。唯喜因過我，須知未賀君。居易

欲首函關路，來披緘嶺雲。貂蟬公獨步，鴛鴦我同羣。居易

鎮嵩知表德，定鼎爲銘勳。顧鄙容商洛，微歎候汝墳。居易

故態猶應在，行期未要聞。遊藩榮已久，捧袂惜將分。馮錫

窮陰初莽蒼，離思漸氤氳。殘雪午橋畔，斜陽伊水濱。馮錫

萬頃徒稱量，滄溟詎有垠。予自到洛中，與樂天爲文酒之會。時時構詠，樂不可支，則慨然共憶夢得。

而夢得亦分司至止，歡愜可知，因爲聯句

成周文酒會，吾友勝鄴枚。唯憶劉夫子，而今又到來。居易

飲許伯倫石，詩推公幹才。錄以久曾聆郢唱，重喜上燕臺。馮錫

宵歡斗柄迴，新聲還共聽。故態復相哈，遇物皆先賞。馮錫

散處玉山頹，墨客喧東閣。文星犯上台，詠吟君稱首。馮錫

詞鋒不可摧。此兩韻美兩髯不用猜。宴席上。老夫暫起。樂天密坐不動足。奉觴承麴蘖，落筆捧瓊瑰。馮錫

水軒看翡翠，石徑踐莓苔。童子能騎竹，佳人解詠梅。

詞鋒不可摧。此兩韻美兩髯不用猜。宴席上。老夫暫起。樂天密坐不動足。奉觴承麴蘖，落筆捧瓊瑰。童子能騎竹，佳人解詠梅。

洛中三可矣度 鄴下七悠哉度 自向風光急萬 不須絃管催居 樂觀魚踴躍
 閒愛鶴徘徊度 煙柳青凝黛度 波萍綠撥醅萬 春榆初改火萬 律管又飛灰萬 紅藥多遲發萬
 碧松宜亂栽度 馬嘶馳陌上度 鶴泛鳳城隈居 色色時堪借居 步步病莫推萬 涸流尋軋軋萬
 餘刃轉恢恢度 從此知心伏萬 無因敢自媒居 室隨親客入居 席許舊寮陪萬 逸興稀將阮萬
 交情陳與雷度 夢得也此二句屬 洪爐思哲匠萬 大廈要羣材居 他日登龍路萬 應知免曝顯萬

秋霖卽事聯句三十韻

蕭索窮秋月居 蒼茫苦雨天居 泄雲生棟上居 行潦入庭前居 高響愁晨坐居 空階警夜眠居
 波聲想五絃居 井蛙爭入戶居 蟻穴亦頻遷居 轍鮒亂歸泉居 散漫疎還密居 空濛斷復連居
 鶴鳴猶未已居 荷滴白珠圓居 地濕灰蛾滅居 池添水馬憐居 有苗霑震驟居 無月弄潺湲居
 園蔬已罷鮮居 斷行隨雁翅居 孤嘯聳蒼肩居 橋柱黏黃菌居 牆衣點綠錢居 草荒行藥路居
 沙泛釣魚船居 長者車猶阻居 高人榻且懸居 披霧邈無緣居 金烏何日見居 玉爵幾時傳居
 近井桐先落居 當檐石欲穿居 趨風誠有戀居 蓋灑高松上居 絲繁細柳邊居 廩米陳生饌居
 庖薪濕起煙居 鳴雞濟報曉居 急景暗彫年居 人多蒙翠被居 馬盡著連乾居 好客無來者居
 隨葉乍驚蟬居 巾角皆爭墊居 裙裾別似漣居

貧家但悄然居 濕泥印鶴迹居 漏壁絡蝸涎居 蚊聚雷侵室居 鷗翻浪滿川居 上樓愁器器居
 繞舍厭濺濺居 律候今秋矣居 歎娛久曠焉居 但令高興在居 晴後奉周旋居

喜晴聯句

苦雨晴何喜居 喜多於雨時居 氣收雲物變居 聲樂鳥鳥知居 蕙泛光風圃居
 蘭開皎月池居 千峰分遠近居 九陌好追隨居 青燕濕更滋居 白日開天路居 玄陰卷地維居
 餘清在林薄居 新照入漣漪居 碧樹涼先落居 臺上有遊絲居 橋淨行塵息居 堤長禁柳垂居
 舞去商羊速居 飛來野馬遲居 柱邊無潤礎居 嵩煙展翠帷居 梁成虹乍見居 市散屐初移居
 宮城開睥睨居 觀闕麗罌罌居 洛水澄清鎮居 牆缺召金鎚居 迴徹來雙日居 昏煩去四支居
 藉草風猶暖居 攀條露已晞居 屋穿添碧瓦居 寒摧草木衰居 黃乾向陽菊居 紅洗得霜梨居
 霞文晚煥爛居 星移夕參差居 爽助門庭肅居 奕背野人宜居 洞戶晨暉入居 空庭宿霧披居
 假蓋閒誰惜居 彈絃燥更悲居 散歸良馬穩居 軋車望可期居 無辭訪圭竇居 且願見瓊枝居
 推林出書目居 傾筒上衣襦居 道路行非阻居 軒車望可期居 每優陪麗句居 何暇觀英姿居
 山閣蓬萊客居 古以蓬萊居 儲宮羽翼師居 少傳居 因吟仲文什居 高興盡於斯居
 以爾主居 觀景方搔首居 懷人尚斂眉居

會昌春連宴卽事

白樂天詩後集卷二十

元年寒食日，上巳暮春天。居易 雞黍三家會，鶯花二節連。馬錫 光風初澹蕩，美景漸暄妍。馬錫
 簪組蘭亭上，車輿曲水邊。居易 松聲添奏樂，草色助鋪筵。馬錫 雀舫宜閒泛，螺杯任漫傳。馬錫
 園蔬香帶露，厨柳暗藏煙。居易 麗句輕珠玉，清談勝管絃。馬錫 陌喧金距鬪，樹動綵繩懸。馬錫
 蛇女妝梳豔，遊童衣服鮮。居易 圃香知種蕙，池暖憶開蓮。馬錫 怪石雲疑觸，天桃火欲然。馬錫
 正歡唯恐散，雖醉未思眠。居易 嘯傲人閒世，追隨地上仙。馬錫 燕來雙涎涎，鴈去累翩翩。馬錫
 行樂真吾事，尋芳獨我先。居易 潘周慙太史，太史公嘗謂周南，今榮示，類古人矣。 入洛繼先賢。此言劉白聲價，與二陸爭長矣。
 昔恨多分手，今歡認比肩。居易 病猶陪謔飲，老更奉周旋。居易 望重青雲客，情深白首年。居易
 編管珍饌後，許入畫堂前。居易 舞袖翻紅炬，歌巖插寶蟬。居易 斷金多感激，倚玉貴遷延。居易
 說史吞顏注，論詩笑鄭箋。居易 松筠寒不變，膠漆冷彌堅。居易 興伴王尋戴，謂劉侯射也。
 榮同陳在燕。居易 擲盧誇使氣，刻燭圖成篇。居易 實藝皆三捷，虛名媿六聯。居易
 興闌猶舉白，話靜每思玄。居易 更記歸時好，亭亭月正圓。居易
 僕射起王來示有三春向晚四者難并之說，誠哉是言，輒引起題，重爲聯句。居易
 疲兵再戰，勅敵難降，下筆之時，頓然自哂，走呈僕射，兼簡尙書。居易
 三春今向晚，四者昔難并。居易 借問低眉坐，何如攜手行。居易 舊遊多過隙，新宴且尋盟。居易
 鸚鵡林須樂，麒麟閣未成。居易 分陰當愛惜，遲景好逢迎。居易 林野熏風起，樓臺穀雨晴。居易

驚低山半出，池廣水初平。居易 橋轉長虹曲，舟回小鷁輕。居易 殘花猶布繡，密竹自聞笙。居易
 欲過芳菲節，難忘宴慰情。居易 月輪行似箭，時物始如傾。居易 見鴈隨兄去，聽鶯求友聲。居易
 蕙長書帶展，菰嫩剪刀生。居易 坐密衣裳煖，堂虛絲管清。居易 峰巒侵碧落，草木近朱明。居易
 與點非沂水，陪膺是洛城。居易 白爲三川守，故云。
 何人喚解醒，舊儀尊右相。居易 新命寵春卿，有喜鵲頻語。居易 無機鷗不驚，青林思小隱。居易
 白雪仰芳名，訪舊殊千里。居易 登高賴九城，居易 鄴侯司管鑰，疏傳傲管纓。居易 綸紵會同掌。居易
 煙霽卽上征，冊庭嘗接武。居易 書殿忝連衡，居易 蘭室春彌馥，松心晚更貞。居易 琴招翠羽下。居易
 鉤犁柴鱗呈，只願回烏景。居易 誰能避兕觥，居易 方知醉兀兀，應是走營營。居易 鳳閣鸞臺路。居易
 從他年少爭。居易 二公。
 樂天是月長齋，鄙夫此時愁臥，里闕非遠，雲霧難披，因以寄懷，遂爲聯句。
 所期解悶，焉敢驚禪。
 五月長齋月，文心苦行心。夢得 蘭蕊不入戶，夢得 薔薇自成林。樂天 護戒先辭酒，樂天 嫌喧亦撤琴。樂天
 塵埃賓位靜，香火道場深。樂天 我靜馴狂象，夢得 餐餘施衆禽。樂天 定知於佛候，夢得 豈復向書淫。樂天
 關藥湖紅豔，庭槐換綠陰。樂天 風光徒滿目，夢得 雲霧未披襟。樂天 樹爲清涼倚，夢得 池因盥漱臨。樂天
 蘋芳遭燕拂，蓮坼待蠶尋。樂天 舍下環流水，夢得 窗中列遠岑。樂天 苔斑錢剝落，夢得 石怪玉嶽岑。樂天

夢得 鵲頂迎秋禿。鶯喉入夏瘖。綠楊垂嫩色。 蕤棘露長鍼。樂天 散秩身猶幸。趨朝力不任。
樂天 官將方共拙。年與病交侵。 徇樂非時選。忘機似陸沈。 鑿容稱四皓。捫腹有三壬。
樂天 攜手慙連璧。同心許斷金。 紫芝雖繼唱。前後各在賓。賓客 白雪少知音。夢得 憶罷吳門守。
相逢楚水潯。舟中頻曲宴。 夜後各加斟。濁酒銷殘漏。 絃聲閒遠砧。 醉顏舞長袖。樂天 往事應如昨。
密坐接華簪。夢得 持論峰巒峻。戰文矛戟森。 笑言誠莫逆。造次必相箴。 陽光正在參。
餘歡迄至今。迎君常倒屣。 訪我輒攜衾。 陰魄初離畢。將有雨 待公休一食。 縱飲共狂吟。

白樂天詩集終
漢詩大觀 中卷終

昭和十一年十月二十二日印刷
昭和十一年十月三十日發行

漢詩大觀中卷

定價金八圓

不許複製



發行所

東京市豊島區西巢鴨二丁目二五三六番地

關

書

院

電話大塚(86)五八六三番
振替東京三四三四六番

編纂者

佐久節

東京市豊島區西巢鴨二丁目二五三六番地

發行者

關隆治

東京市豊島區西巢鴨四丁目二番地

印刷者

和田茂

東京市豊島區西巢鴨二丁目二五三六番地

印刷所

關書院印刷部

921
SA44
(2)

終

